

EL SANTO EVANGELIO SEGUN

SAN MARCOS

1 ¹Liwriiñi takuqui Jesucristo Yooz Majch puntuquiztan jalla tužuča. Jesucristuča Yooz Majchqui.

JUAN BAUTISTAŽ PUNTU

²Tuqui timpuqui tsjii Yooz cuntiquiztan chiiñi profeta želatča, Isaías cjita. Nii profetaqui cjiyrchiča tii takunaca:

“Nonžna. Yoozqui Jesucristuž tuqui tsjii žoñi cuchañzcaquiča, tjappacha tjaczna. ³Jaziqui ch'ekti yokquin nii žoñž joraqui altu tawkžtan paljayaquiča, tuž cjican: ‘Tsjii chawc jiliriqui tjonaquiča. Jaknužt jicz zuma tjacznačhaja, jalla nižta ančuca kuznaca zuma tjaczna. Ančuca kamañanacaqui zuma lijitumapanž cjee’ ”.

Nuž cjiyrchiča Isaías cjita žoñiqui.

⁴Jalla nižtapan Juan Bautistaqui ch'ekti yokquin parizizquichiča. Nižaza žoñinaca bautissiča. Nižaza paljaychiča, tuž cjican:

—Kuznacaž campiya, ujnaca pertunta cjisjapa. Nekztan ančhuc bautisasača.

⁵Tama žoñinaca Juanžquin ojkičiča, Judea cjita yokquiztan, nižaza Jerusalén cjita wajtquiztan. Jakzilta žoñit persun ujnacquiztan “ujchizpanča” cjican kuzquiz

zint'ičhaja, jalla niiqui bautistatača Jordán cjita puj kjazquiz.

⁶Juanž zquitiqi camello chomquiztan watstatača. Nižaza Juanqui zkiz tsjaychiztača. Niiž čhjeriqui tižtatača: langosto cjita kolta animalanaca, nižaza misq'ui. Jalla nii lujlñitača. ⁷Juanqui ojklaycan žoñinacžquiz paljaychiča, tuž cjican:

—Tsjiiqui wejt wirquin tjonča. Jalla niiča wejtquiztan tsjan juc'anti poderchizqui. Niižquiz atintisjapa anal waquisuča, niiž čhjata jeržcu chjojkinimi. Inakaztča wejrqui. ⁸Kjztankal bautisuča. Nii tjonñi jilirizti Espiritu Santužtan bautisaquiča.

JESUSAQUI BAUTISTATAČHA

⁹Nekztanaqui Jesusaqui Nazaret cjita wajtquiztan ojkičiča. Nazaaret watjaqui Galilea cjita provinciñtača. Jesusaqui Juanžquin ojkičiča, Jordán cjita pujquin. Nekz Juanqui Jesusa bautissiča. ¹⁰Jesusaqui kjazquiztan ulancan arajpacha cjetzi cherchiča, nii orapacha. Yooz Espiritu Santo palomažtakaz chjiwžquini cherziča. Niiž juntunpacha irantižquichiča.

¹¹Nekztan arajpachquiztan tsjii jora paljayžquini nonziča, tuž cjican:

—Amčha wejt k'ayi Maatimqui. Amiž cjen ancha cuntintutčha wejrtqui.

JESUSIŽTAN DIABLUŽTAN

¹²Nekztanaqui Espíritu Santuqui ch'ekti yokquin Jesusa ojklayskatchičha. ¹³Jalla nicjuž pusi tunc tjuñi kamchičha Jesusaqui. Nekziqui q'uit animalanaca zakaz želatčha. Jaziqui Satanás cjita diabluqui Jesusižquiz tjonzičha; ujquiz tjojtskatz pecatčha. Pusi tunc tjuñi ujquiz tjojtskatz yanznatčha. Nekztan Yooz anjilanacaqui tjonťjonžquiničha Jesusa atintizjapa.

JESUSAQUI TJAAJINCHIČHA

¹⁴Wiruñauqui Juanqui carsilquiz chawjctatačha. Nekztan Jesusaqui Galilea cjita yokquin ojkičha. Nii yokquin Yooz liwriiñi taku paljaychičha, jaknužt žoñinaca Yooz wajtchiz žoñi cjissaja, nii. ¹⁵Tuž cjican, paljaychičha:

—Tii timpumiž otčha. Anzpacha žoñinacaqui Yooz wajtchiz žoñi cjesačha. Kuznaca campiya, “ujchizpančha”, cjican. Nekztan tii liwriiñi takuž tjapa kuztan catoka. Tii takuž criya.

CH'IZ TANŇI ŽOŇI KJAWŽTA

¹⁶Tsjii pajk kota želatčha, Galilea cjita. Jesusaqui kot ataran ojklaycan pucultan jilazullca cherchičha; Simón, nižaza Andrés cjitatačha. Ninacatačha ch'iz tanñinacaqui. Nii ora ch'iz tanz kjazquiz tjojtnatčha. ¹⁷Nekztan Jesusaqui ninacžquiz cjichičha, tuž cjican:

—Ančhucqui, wejttan chicaž ojklayñiž cjee. Anziqui ch'iz tanz langzzizza. Pero wejrqui ančhucaquiz yekja langzquin utznačha, Yooztajapa žoñinaca kjawzqui, nii.

¹⁸Nekztanaqui nii orapacha ninacaqui ch'iz tanz eccu, Jesusižtan chica ojklayñi cjissičha.

¹⁹Jesusaqui tsjii koloculla nawjcjapa ojkcžcu, tsjii pucultan žoñinaca cherchizakazza; Jacobo, nižaza Juan cjitatačha. Ninacž ejpqui Zebedeo cjitatačha. Nii pucultan žoñinaca warcuquiz želatčha, ch'iz tanz azquichcan. ²⁰Jaziqui Jesusaqui ninaca kjawzičha, nižtan chica ojklayñi cjisjapa. Ninacž ejp warcuquiz želatčha, piyunanacžtan. Pero Jacobžtan Juanžtan ejp ecchičha, Jesusižtan ojklayzjapa.

ZAJRAŽ TANTA ŽOŇI

²¹Nekztanaqui jeejz tjuñi Capernaum cjita watja luzzičha Jesusižtan ninacžtan. Nekziqui judío žoñinacž ajcz kjuyquiz luzzičha. Nekztan Jesusaqui tjaaajinchičha. ²²Chawc jiliri irata tjaaajnatčha, zuma zizñi. Judiuž lii tjaaajñinacžtakaz ana nuž tjaaajnatčha. Jesusiž tjaaajntiquiztan žoñinacaqui ispantichičha:

—iAncha cuzala! —cjican.

²³Nii ajcz kjuyquizpacha tsjii zajraž tanta žoñi želatčha. Nii žoñiqui kjawchičha, tuž cjican:

²⁴—Jesusa, Nazaret wajtchiz žoñimla. ¿Kjažtiquiztan am wejtnacaquiz mitizi? Wejrnaca aki tjonchamžlani. Jaziqui am pajučha. Zuma Yooz Žoñimla. —Nuž cjican, kjawchičha.

²⁵Nekztan Jesusaqui zajrižquiz ujzičha, tuž cjican:

—iCh'uj žela! Tii žoñžquiztan ulna.

²⁶Nekztan zajraqui nii tanta žoñi chekjinskatzcu, nižaza altu tawkžtan kjawžcu, ulanchičha. ²⁷Nižta cheržcu, žoñinacaqui ancha tucchičha.

Ninacpora parlasičha, tuž cjican:

—¿Chjulut nižta teejo? Tsjemataž tjaaajinla. Walja azziz tawkchizla. Tii

žoniqúi zajramiž mantila. Nižaza zajrami tiiž taku cazla. —Nuž ispanitichi parlasičha.

²⁸Oralla Jesusiž paataqui mazmztatačha tjapa nii yokaran.

SIMON PEDRUŽ AJMUZ MAA

²⁹Nekztanaqui ajcz kjuyquiztan ulanžcu, Jesusaqui Simón, nižaza Andrés, jalla ninacž kjuyquiz luzzičha, Jacobžtan Juanžtan, nuž. ³⁰Simónž ajmuz maaqui ajpsquiz ch'ujlñi conchiz laaquichi želatčha. Tjapa curpu walja kjakatčha. Jaziqui Jesusižquiz mazzičha. ³¹Jesusaqui macjatžcu, naaža kjara tanžcu, tsijtskatchičha. Nekztanaqui naaža kjakñi cona zarakchičha. Nekztan naa žonqui ninaca atintichinčha.

ANCHA ŽOÑINACA ČHJETINTA

³²Nekztanaqui nii zez tjuñiž kattan Jesusižquiz tjapa laaquichi žoñinacami, nižaza zajraž tanta žoñinacami zjijctatačha. ³³Nižaza Jesusaž alujta kjuy zanaran tjapa nii wajtchiz žoñinacaqui ajczičha. ³⁴Nekztanaqui Jesusaqui tjapaman laa žoñi čhjetinčičha. Žoñinacžquiztan muzpa zajranaca chjatkatchičha. Zajranacaqui Jesusa pajchičha; pero Jesusaqui ana chiikatchičha.

YOOZ TAKU PARLITA

³⁵Jakawenz tažuqúi ima kjanžcan Jesusaqui žaazičha, iya zumchi zumchi cjican. Wajtquiztan ulanžcu, ana žoñž žejlz yokquin ojkičha, Yooz Ejpžtan parli. ³⁶Wiruñaqúi Simonaqui nižž mazinacžtan Jesusa kjuri ojkičha. ³⁷Jesusižquiz zalžcu cjichičha:

—Tjapa žoñinacaqui am pewc
pewcža.

³⁸Nekztan Jesusaqui cjichičha, tuž cjican:

—Nacjuñž ojkla, visin watjanacquin. Nicju zakaz Yooz taku paljayzquiztančha wejrqui. Jalla nijjapa tii muntuquiz tjonchinčha.

³⁹Nekztanaqui Galilea yokaran ojklaychičha, ajcz kjuyanacquin Yooz taku paljaycan, nižaza zajranaca chjatkatan.

MOJKCHI JANCHICHIZ ŽOÑI

⁴⁰Tsjii mojkchi janchichiz žoñi želatčha. Niiqúi Jesusižquiz tjonchičha. Quillžcu, rocchičha, tuž cjican:

—Wejr čhjetinzim pecčhaj niqúi, wejr čhjetinzim atčha amqúi.

⁴¹Nekztan Jesusaqui nii žoñi okžcu, nižžquiz lanzičha, tuž cjican:

—Wejr am čhjetnasachiya. Jaziqui čhjetintam cjissa.

⁴²Jalla nuž chiitiquiztanaqui nii orapacha nii žoniqúi žejtchi cjissičha, mojkchi janchi laa cjitiquiztan.

⁴³⁻⁴⁴Nekztanaqui Jesusaqui nii žoñžquiz iwjt'ichičha, tuž cjican:

—iJaziqui tii čhjul am chiichiijay!

Anačha jeczquizimi chiichiizquí.

Timpluquin oka amqúi. Nekztan timplu jiliržquin persuna tjeežca.

Nižaza čhjetintiquiztan Moisés mantitacama paa. Jaknužt Moisesqui ofrenda uchajo mantičhaja, jalla nuž ofrenda uchaquičha. Jalla nižtiquiztan žoñinaca am žejtchi zizaquičha. Jazic oka amqúi. —Nuž mantichičha Jesusaqui.

⁴⁵Nekztan nii žejtchi žoniqúi tjapa kjutñi ojklaychičha, nii žejtta quintu parlican. Tjapa žoñinacžquin nii quint'ichičha. Jalla nekztanaqui tjapa žoñinacaqui Jesusižtan zalz pecatčha. Jalla nižtiquiztan Jesusaqui anaž jakzi wajtquizimi luzi atchičha, žoñiž zizan. Ana žoñž žejlz yokuñ ojklaychičha. Nižtami tjapa kjuttan žoñinacaqui nižžquin tjonñitačha.

ZUCH ŽOŇI ČHJETINTA

2 ¹⁻²Tsjii kjaž majquiztan Jesusaqui Capernaum wajta quejpchiča, persun kjuyquiz. Nii zizcuqui, tama žoñinacaqui ajcziča, kjuya chjiypscama. Nižaza anatača campo kjuy zanaran. Nekztan ajczi žoñinacžquiz Jesusaqui Yooz taku tjaajinchiča.

³Nuž tjaajnan, pakpaltan žoñinaca tjonchiča, tsjii zuch žoñi kuzi.

⁴Muzpa žoñi ajcziž cjen, Jesusižquin ana macjati atchiča. Nekztanaqui tsewtan kjuya pjetžcu, pjetquiztan zuch žoñi kjuyrchuc chjiunžquichiča, niiz tjajz zquitquiziqui. ⁵Ninacaqui Jesucristužquin tjapa kuztan tjonchiča. Nii nayžcu, Jesusaqui zuch žoñžquiz paljaychiča, tuž cjican:

—Jilala. Jaziqui am ujnaca pertuntača.

⁶⁻⁷Kjuyquiz julzi yekjap žoñinaca želatča, judiuž lii tjaajiñi žoñinaca. Ninacaqui kuzquiz pinsatča, tuž cjican:

—čKjažtiquiztan tiiqui nižta chiijo? Anawalipanča tiiz takuqui. čJect ujnaca pertunasajo? Yoozpanikazla ujnaca pertunñiqui. —Jalla nuž pinsichiča lii tjaajiñi žoñinacaqui.

⁸Jesusaqui persun kuzquiz ninacž pinsita zizziča. Nekztan ninacžquiz paljaychiča, tuž cjican:

—čKjažtiquiztan ančhuca kuz nižta pinsejo? ⁹čJakzilta takut pjasila chiiz cjesajo? Tii zuch žoñžquiz chiizinsjo, “Am ujnacami pertunta”, čjis pjasila cjesaya? už “Tsijsna. Am tjajz zquiti aptižcu oka”, čnuž chiiz pjasila cjesaj? ¹⁰Tsewtan cuchanžquita Yooz Žoñtča wejrqui. Tii muntuquiz jiliritča, ujnaca pertunzjapami. Jalla nii zizjapa, ančhucqui tiiz chera.

Nekztanaqui zuch žoñžquiz cjichiča:

¹¹—Amquiz cjiwčha, tsijsna. Am tjajz zquitinaca aptaza. Oka am kjuya. —Nuž cjican chiichiča Jesusaqui.

¹²Nekztanaqui nii zuch žoñiqui tsijsiča. Tjajz zquiti aptichiča. Liwž tjappachaž cheran, ulanchiča. Jalla nižta cheržcu tjapa žoñinacaqui walja ispantichi quirchiča, tuž cjican:

—Tižta wira ana cheriñča.

Nekztanaqui Yoozquin honora waytichiča.

LEVI CJITA ŽOŇI

¹³Nekztanaqui Jesusaqui wajtquiztan ulanžcu, pajk kot ataran wila ojklayatča. Nuž ojklayan, žoñinacaqui niizquin macjatžquichiča. Nekztan Jesusaqui ninacžquiz tjaajinchiča.

¹⁴Wiruñaquei nawjcjapa ojkičiča. Jiczquiz ojkan, Leví cjita žoñi cherchiča, aduanž kjuyquiz julžnan. Levíž ejpqui Alfeo cjitatača. Jesusaqui niizquiz paljaychiča, tuž cjican:

—Wejttan chica ojklayñim cjequičha.

Nekztan tsijscu, Jesusižtan ojkičiča Leviqui. ¹⁵Nižaza Levíž kjuya luli ojkičiča. Nicju Jesusižtan niiz tjaajintanacžtan nuž lulan, aduanerunacžtan nižaza ujchiz žoñinacžtan nekzizakaz lulatča. Muzpa žoñinacaqui Jesusižquin apzitača. ¹⁶Tsjii kjažt judiuž lii tjaajiñi žoñinaca zakaz želatča, fariseož partinacami. Jaziqui Jesusižtan anazum žoñinacžtan juntu lulan, naychiča. Nekztan pewcziča niiz tjaajinta žoñinacžquiz, tuž cjican:

—čKjažtiquiztan tii Jesusa aduanerunacžtan nižaza ujchiz žoñinacžtan lujljo?

¹⁷Ninacž chiita nonžcu, Jesusaqui kjaaziča, tuž cjican:

—Zuma žejtchinacaqui anaž kullñi pecasača. Laa žoñinacž kullñic pecča. Wejrqui “Zumal kamuča”

cjiñi žoñinacžquiziqui ana kjawzñi tjonchinča. Antiz “ujchizpanča” cjiñi žoñinacžquiz kjawzñi tjonchinča.

AYUNAS PUNTU

¹⁸ Juanž tjaajintanacžtan fariseož parti žoñinacžtan, jalla ninacaqui ayunasñipantača. Jaziqui žoñinacaqui Jesusižquiz pewczñi tjonchiča, tuž cjican:

—ĹKjažtiquiztan Juanž tjaajintanacžtan nižaza fariseož tjaajintanacžtan ayunasñejo? Amiž tjaajintanacazti ana ayunasñipanla.

¹⁹ Nekztan Jesusaqui ninacžquiz tuž cjichiča:

—Zalz pijstiquiz impittaž cjenauki, Ĺkjažt ayunasasajo? Zalsñi žoñžtan pijstaž paača. Zalsñi žoñi želanpacha, anaž ayunasasača. ²⁰ Tii jarquin nii zalsñi žoñiž kjantaž cjequiča. Nekztanž ayunasasača.

²¹ Jesusaqui tii takuzakaz chiichiča:

—Anaž jakziltami zijzi zquitquiziqui ew rimintižtan rimintasača. Nižta rimintasaž niiqui, zijzi zquiti juc'anti wjajrskatasasča. Ewqui zijziquiztan jaljiznasasča. Nekztan juc'antiž tsjelanznasasča. ²² Nižaza anaž jakziltami zijzi zkiz luusquiz ew vino alznasasča. Nižta alznasaž niiqui, zkiz luus wjajrskatasasča ew vinuqui. Nekztanaqui zkiz luusmi vinumi pizcpacha pertisnasasča. Ew vinuqui ew zkiz luusquizpanž alznasasča. —Nuž cjichiča Jesusaqui.

JEEJZ TJUŇI QUINTU

²³ Nekztanaqui tsjii jeejz tjuñi Jesusaqui tirc zkal taypiran okatča tjaajintanacžtan. Zkal taypiran ojkan tjaajinta žoñinacaqui tirc oza kjajpchiča. ²⁴ Nii cheržcu, yekjap fariseonacaqui Jesusižquiz paljaychiča, tuž cjican:

—Cherzna. ĹKjažtiquiztan nižta paajo? Jeejz tjuñquiziqui nižta anapanča paazqui. Učhum lii quintrala, Ĺana jaa?

²⁵ Nekztan Jesusaqui kjaaziča, tuž cjican:

—Ančhucqui Yooz taku liichinčhucča, Ĺana jaa? Cjijrta Yooz takuqui tuž cjiča: učhum tuquita atchi ejp, Davíd cjitaqui, niž mazinacžtan čhjeri eecskatchiča. Ana čhjul čhjerchiz cjen, ²⁶ Yooz timpluquiz luzziča. Nii ora timplu chawc jiliritača Abiatar cjitaqui. Timpluquin Yooz yujcquiz nonžta t'antanaca želatča. Jalla nii t'anta aptižcu, lujlchiča David cjitaqui. Nižaza niž mazinacžquiz tojunchiča. Anapantača permitta nii t'anta lujlžqui ina žoñžlaqui. Nižta lujlžcuqui lii quintrala niiqui. Timplu jilirinacaztapankaz nii t'anta lulaj cjitaqui.

²⁷ Nekztanaqui Jesusaqui ninacžquiz chiižinchizakazza:

—Žoñž laycu jeejz tjuñiqui uchtatača. Nii jeejz tjuñquiztanaqui žoñiča juc'ant chekanaqui. ²⁸ Wejrqui tsewtan cuchanžquita Yooz Žoñiča. Jeejz tjuñquizimi čhjuu paaz cjenami weril mantasasča. —Nuž cjichiča Jesusaqui.

KJARA KJOŇCHI ŽOŇI

3 ¹ Nekztanaqui Jesusaqui wilta tsjii judionacž ajcz kjuyquiz luzziča. Nekz tsjii kjar kjoñchi žoñi želatča.

² Ujchiz jwesjapa quintri žoñinacaqui Jesusa awayt'atča, jeejz tjuñquiz čhjetnaquiya, už anaž čhjetnasaj.

³ Nekztanaqui Jesusaqui kjar kjoñchi žoñžquiz paljaychiča, tuž cjican:

—Tsijtsna. Tii taypiquin cjisna.

⁴ Nekztan parti žoñinacžquiz paljaychizakazza, tuž cjican:

—¿Eeejz tjuñquiziqui ućhum liiqui kjažt cjeejo? ¿Žoñžquiz zuma paasaya uz žoñžquiz ana zuma paasaja; žoñž wira liwriyasaya uz žoñž wira ticskatasaja? —Nuž pewczića Jesusaqui.

Ninacazti ch'ujukaz želatća.

⁵Nekztan Jesusaqui niiz muytata žejlñi žoñinacž kjutñi chercherzića. Ninacžjapa žawjchića; nižaza ninacž chojru kuzziz cjen, llaquitataća. Nekztan laa žoñžquiz paljaychića, tuž cjican:

—Am kjara chjinzna.

Nuž kjara chjinžcu, žejtchi quirchića. ⁶Nekztanaqui fariseo žoñinacaqui ulanchića. Ulanžcu Herodes partinacžtan Jesusiž quintra parlichića:

—¿Jaknužt Jesusa conas? —cjican.

JESUSAQUI TJAAJINCHIĆA

⁷Nekztanaqui Jesusaqui niiz tjaajintanacžtan ojklaychića pajk kot ata. Muzpa tama žoñinacaqui apzića.

⁸Tjapa kjuttan yokquiztan tjonchića, Galilea yokquiztan, Judea yokquiztan, Jerusalén wajtquiztan, Idumea yokquiztan, Jordán pujž najwctan yokquiztan, Tiro Sidón wajtanac kjuttan, tjapa tii yokanacquiztan Jesusižquin tjonchića, niiz ancha wali paatanaca cheri. ⁹Nekztanaqui Jesusaqui niiz tjaajintanacžquiz chiizinchića:

—Wejtta warcuž tjacžina, tii tama žoñinaca ana wejtquiz ts'acjasajo.

¹⁰Muzpa žoñinacaž čhetintaž cjen, tjapa laa žoñinacaqui Jesusižquin tjonchića. Niizquiz lanžjapa, ancha ts'acjassića.

¹¹Nižaza čhjulorami zajranacaqui nii cherčhaja, niiz yujcquiz quillzića. Kjawcan, chiichića:

—Yooz Matimća amqui, —cjican.

¹²Jalla nekztanaqui Jesusac ninacžquiz walja iwjt'ichića, tuž cjican:

—Wejtquiztanac anaća anćhucqui chiizqui, “Yooz Maatimća”, cjican.

TUNCAPAN APOSTOLONACA ILLZTA

¹³Nekztanaqui Jesusaqui tsjii curullquin yawchića. Niiz kuz pecta žoñinaca illžcu ninaca kjawzića. Nekztan niizquin macjatchića illzta žoñinacaqui. ¹⁴Tuncapan žoñi utchića niiztan kamajo, nižaza Yooz taku parlajo. ¹⁵Ninacžquiz poderchiz cjiskatchića, Yooz aztan laa žoñinaca čhjetnajo, nižaza zajrami chjatkatajo. ¹⁶Nii illzta žoñinacaqui tinacataća; Simonataća; niiqui Pedro cjitazakaztaća. ¹⁷Jacobotaća; Zebedeož majchtaća niiqui. Juantaća; Jacobož lajktaća niiqui. Jacobžtan Juanžtan altu jorchiz cjen Boanerges cjitazakaztaća. ¹⁸Andrestaća. Felipitaća. Bartolomitaća. Mateotaća. Tomastaća. Yekja Jacobotaća; Alfeož majchtaća niiqui. Tadeotaća. Yekja Simonataća; tsjii politicutaća niiqui, cananiž partitaća. ¹⁹Judas Iscariotitaća; Jesusiž quintra tarazunchića niiqui. Jalla nužuća Jesusiž illzta žoñinacaqui.

JESUSIŽ QUINTRA CHIICHIĆA

Nekztanaqui Jesusaqui kjuyquin ojkići niiz illzta tjaajintanacžtan.

²⁰Nekziqui muzpa žoñinacaqui ajcsizakaztaća. Jesusaqui niiz tjaajintanacžtanaqui ana čhjeri luli atchića, žoñinacaž muzpa ajcziž cjen. ²¹Nekztanac yekjap žoñinacaqui cjichića:

—Lucurataž niiqui, —cjican.

Jaziqui žoñiž lucurata cjiñiž cjen Jesusiž parintinacaqui tjonchića Jesusa chjichi.

²²Nižaza Jerusalenquiztan judiuž lii tjaajiñinacaqui tjonchiča, tuž cjan:

—Jesusaqui Beelzebú cjeta zajraž tantacha. Nii zajriž jilirž aztan yekja zajranaca chjatkatniča tiiqui. —Nuž cjichiča.

Beelzebú cjetaqui zajriž jiliritača.

²³Nekztanaqui niža chiiñi žoñi kjawžcuqui, Jesusaqui paljaychiča, tuž cjan:

—¿Jaknužt Satanás cjeta zajraqui persunpacha chjatkatasajo?

²⁴Tsjii wajtchiz žoñinacaqui pizcquiz t'aknsasaž niiqui, tsjiimi tsjiimi quintrasasaž niiqui, nii wajtaqui tjtantaž cjequiča. ²⁵Nižaza tsjii kjuychiz žoñinacaqui pizcquiz t'aknsasaž niiqui, tsjiimi tsjiimi quintrasasaž niiqui, nii kjuychiz žoñinaca wichansnasača.

²⁶Satanasaqui persuna t'aknsasaž niiqui, ezasača. Niž aziqui miransnasača. Anaž azziz cjesača.

²⁷Jaziqui anaž jecmi tsjii azziz žoñž kjuyquiziqui luzi atasacha, ima azziz žoñi čejlcanaqui. Anaž niž kinakunacami jwesi atasacha. Čejlžcu, nekztan kinakunaca jwesi luzasača.

²⁸Cheka ultimu werara chiyuča, tjapa ujnacami tjapa anazum takunacami pertuntaž cjesača. ²⁹Pero jakzilta žoñit Yooz Espirituž quitra chiičhaj niiqui, anaž pertunta cjesača. Nii žoñiqui wiñaya ujchiz cjequiča.

³⁰Žoñiž “Zajraž tantamča amqui,” cjiñiž cjen, nuž paljaychiča Jesusaqui.

JESUSIŽ MAATAN LAJKNACŽTAN

³¹Nekztanaqui Jesusiž maatan lajknacžtan tjonchiča. Kjuy zanquiztan tsijtsu, Jesusa kjawskatchiča. ³²Kjuyltan žoñinacaqui Jesuižquiz muytata julzi želatča. Ninacaqui Jesusižquiz mazziča:

—Tekz am maa tjonchinča am lajknacžtan. Am kjawža, —cjan.

³³Nekztanaqui Jesusaqui kjaaziča:

—¿Ject wejt maajo, wejt jilanacajo?

³⁴Nii muytata julzi žoñinacž kjutni cheržcu, Jesusaqui cjichiča:

—Tinacača wejt maaqui, wejt jilanacaqui. ³⁵Jakziltat Yooz mantitacama ojčkəhaja, niča wejt jilaqui, wejt cullaqui, wejt maaqui.

ZKALA ČHJACZ QUINTU

4 ¹Wilta Jesusaqui kot atquiz tjaajinchiča. Nekztanac muzpa žoñinacaqui nižquiz macjatžquichiča. Jalla nekztan Jesusaqui walsquiz luzziča kot kjutni. Žoñinacazti kot atquiz žejlchiča. ²Nekztan nii walsquiztan žoñinacžquiz muzpa tjaajinchiča, tuž cjan:

³—Nonžna ančhucqui. Tsjii žoñiqui zkal čjaqui tewcchiča. Nekztan zkal semilla wichcan wichcanka čhjaczčiča. ⁴Nuž čhjacan, parti semillanacaqui jicz latuquiz tjojtsiča. Nekzi wežlanacaqui tjonchiča nii semilla luli. ⁵Parti semillanacaqui maz yokaran tjojtsiča. Mazuntuñiqui ljawallatača yokaqui. Nekztan ratulla jecziča nii čhjactaqui. ⁶Pero sii kjakiqui nii čhjactaqui ujsiča. Ana kozi zep'i atžcu, ratulla kjoñchiča. ⁷Parti semillanacaqui ch'ap yokaran tjojtsiča. Nekztan ch'apinacakaz pajkchi, nii čhjactaqui tjtanchiča. Ana pookchiča. ⁸Parti semillanacazti zuma yokquiz tjojtsiča. Nekztan cuza jecziča, pajkchiča, čhjerchiča. Jaziqui nii semillanacaqui quinsatunca sojtatunca, patac čhjerchiz zapa zkal ozquiz, nuž pookchiča.

⁹Jalla nekztanaqui Jesusaqui chiižinchiča:

—Jakziltažlaja nonžni cjuñchiz niiqui, nonžla.

ĈHJACZ QUINTU INTINTISKATTA

¹⁰Wiruñacqui Jesusa zinalla želan, niiz tuncapan tjaajinta žoñinacžtan neks žejlñinacžtan, ninacaqui Jesusa pecunchičha ĉhjacz quinto.

¹¹Nekztanaqui Jesusaqui kjaazičha, tuž cjican:

—Ančhucaquiz Yooz tjaajnaquičha ančhuca kuzquiz, niiz mantita kamaña puntuquiztan zizjapa. Yekjap žoñinacžquizzti quintunacžtankaz nii puntuquiztan chiyučha, ana criichi kuzziz cjen. ¹²Jalla nižta chiyučha, chercanpacha ana zizajo, nonzcanpacha ana intintajo, ana kuz campilzkatajo, ujquiztan ana pertunta cjisjapa.

¹³Nekztanaqui Jesusaqui tjaajinta žoñinacžquiz pewczičha, tuž cjican:

—ĈAnačha tii zkala ĉhjacz quinto ziz, ančhucjo? ĈJaknužt parti weriž chiita quintunaca zizasajo? ¹⁴Ančhucaquiz tjaajnučha. Zkala ĉhjacz quintuqui jalla tuž cjičha: Jakziltat Yooz taku paljayčhaja, jalla niičha nii zkala ĉhjaczni žoñiqui. ¹⁵Tsjii semillanacaqui jicz latuquiz tjojsičha. Ĉjulorat tsjii žoñinacaqui Yooz taku nonžaja, oralla Satanasaku tjončha, kuzquiztan nonžta taku kjañzjapa. Jalla nižtačha nii jicz latuquiz yokažtakaz žoñinacaqui.

¹⁶Nižaza tsjii semillanacaqui maz yokaran tjojsičha. Nii maz yokažtakaz žoñinacaqui Yooz taku nonžcu, orallaž catokčha. Pero tsjii upacamakaz Yooz tawk jaru kamčha. ¹⁷Ana koz zep'ichiz zkalažtakazza ninacaqui. Yooz taku catoktiquiztan yekjap žoñinacaqui quinetrassa, ninaca chjaawjčha. Nižaza pruebanacac tjončha. Nekztan ratulla Yooz taku tjažža, quejpsa.

¹⁸Nižaza tsjii semillanacaqui ch'ap yokaran tjojsičha. Nii ch'ap

yokažtakaz žoñinacaqui Yooz taku nonža. ¹⁹Nekztanaqui ĉjulquinami pinsičha. Wali jiru cjis pecčha; ĉhjultakimiž pecčha. Nekztan kuzqui turwaysa. Nižta kuzziz cjen, Yooz taku tjananñičha. Ch'ap yokaran ĉhjacta semillanaca ch'apiž atipta, anaž pakji atčha. Jalla nižtaž nii ch'ap yokažtakaz žoñinacaqui. Nužquiz nii žoñž kuzquiz Yooz takuqui anaž pookčha.

²⁰Tsjii semillanacaqui zuma yokquiz tjojsičha. Nii zuma yokažtakaz žoñinacaqui Yooz taku nonžcu, tjapa kuztan catokčha. Nekztanaqui ninacž kuzquiz Yooz takuqui cusaž pookčha. Nii zum yokquiz ĉhjactaqui cusaž ĉhjerčha —quinsatunca, sojtatunca, patac ĉhjerchiz zapa zkala ozquiz. Jalla nižta Yooz takuqui pookčha zuma žoñinacž kuzquiziqui.

MICHA TJEEZ QUINTU

Jesusaqui tsjižtan quint'ichičha, tuž cjican:

²¹—Micha ana tjeeznasačha cajun kjuyltan nonzjapa, nižaza tjaž zquit koztan nonzjapa. ĈJalla nižta cjesajo? Anaž cjesačha. Micha tjeezqui iztacž juntun nonznasačha, zuma kajajo. ²²Ĉhjuulu ĉhjožtami wažtapanikaz cjequičha. Nižaza Yooz puntu ana ziztanacami kjanapacha ziztapanikaz cjequičha. ²³Jakziltažlaj nonžni cjuñchiz niiqui, nonžla.

²⁴Jesusaqui cjichizakazza:

—Weriž chiita taku zuma nonžnalla ančhucqui. Jaknužt ančhuc tjaačhaja, jalla nižtakaz Yoozqui ančhucaquiz tjaasačha; iya zakaz yapznasačha Yoozqui. ²⁵Jakziltažlaj catokni kuzziz niiqui, juc'anti zuma kuz tjaataž cjequičha, Yooz taku intintajo. Jakziltažlaj ana catokni kuzziz niiqui, juc'anti turwayskattaž cjequičha. Jalla nižtiquiztan Yooz takuqui

anapan intintiñiž cjequiča. —Nuž tjaajinčiča Jesusaqui.

ZKAL QUINTU

²⁶Nižaza Jesusaqui iya tjaajinčiča, tuž cjican:

—Yooz wajtchiz žoñinacaqui jalla tužuča. Tsjii žoñiqui zkala čhjáčča.

²⁷Nekztan ween tjajča, majiñ žaaža. Jaknužt zkalaqui jecžaja, pajkčhaja, nii ana zizza žoñiqui. ²⁸Zkal yokaqui juyžtokaz pookča. Primiruqui zkalaqui jecža, nekztan pajkčallča, nekztan ozziz cjissa, nekztan čherchizza. Nuž pookča. ²⁹Nekztan zkala wejlziž cjen pajk cuchillžtan zkala ajza. Zkala ricujz timpuča.

MOSTAZA CJITA SEMILLA PUNTU

³⁰Jesusaqui tsjii quintužtan tjaajinčiča.

—Yooz wajtchiz žoñinaca, čjalla nii puntu irata čhjulut cjesajo? Ančhucaquiz cjiwča, tii quintu irata cjesača, mostaz quintu. ³¹Tsjii semillaqui mostaza cjitača. Tjapa semillquiztan juc'ant zkoltallača. ³²Pero čhjacta mostaz semillaqui walja pakji pajkča, čhjul zkalkuiztanami juc'anti. Pajk itzzizza. Layni wežlanacami itzquiz julžcu, ziwžquiz jeejznasača. —Nuž tjaajinčiča Jesusaqui.

³³Jalla nižta quintunacžtan žoñinacžquiz tjaajinčiča, quintu nonžni očañcama. ³⁴Quintunacžtankaz tjaajinčiča. Nekztan niž persun tjaajinta žoñinacžquiz zapa quintumi intintiskatchiča, parti žoñinacaz ana želan.

JESUSAQUI TJAMIMI KJAZ LJOJKIMI MANTIČHA

³⁵Tsjii nooj tjuñiž kattan, Jesusaqui niž tjaajinta žoñinacžquiz paljayčiča, tuž cjican:

—Tii kotž najwktuñtanž ojklaj, —cjican.

³⁶Nekztan parti žoñinaca eccu, Jesusaqui tsjii walsiquiz ojkcichiča niiž tjaajintanacžtan. Nižaza yekja walsanacaqui ninacžtan chica ojkcichiča. ³⁷Nekztanaqui tsjii wali pjursanti tjami zalčiča. Jaziqui juc'anti tjamiž cjen walsiquiz ancha kjaz luzziča. Walsaqui jozipan kjaz chjijsiča. ³⁸Jesusaqui walsa kjuyltan tsjii azquiz tjajatča, wirquin. Tjaajinta žoñinacaqui Jesusa žiñziča, tuž cjican:

—iTjaajiñi Maestro! iTicmayala učhumqui! čAnam llaquisya?

³⁹Wajtžcuqui Jesusaqui tjami mantichiča, apaltajo. Kjaz ljojki mantichizakazza:

—iCh'uj žela! —cjican.

Nekztanac tjamimi nižaza kjaz ljojkincami apaltichiča. ⁴⁰Nekztan Jesusaqui ninacžquiz cjichiča:

—čKjažtiquiztan ancha tsucchinčuctajo? čAna wejtkuiz kuzzizčhuckaya?

⁴¹Tjaajinta žoñinacaqui ancha ispantichi cjišiča. Ninacpora parlasiča, tuž cjican:

—čČhjul žoñit teejo? Tiiž takucama tjamimi nižaza kjaz ljojkimi cazla.

ZAJRAŽ TANTA ŽOÑI

5 ¹Nekztanaqui kotž najwctuñtan irantichiča Gadara cjita yokquin. ²⁻³Jesusaqui walsiquiztan ulantan, tsjii zajraž tanta žoñiqui campu santuquiztan tjonchiča. Campu santuquin kamñitača. Nižaza anaž jecmi nii zajraž tanta žoñi čheli atatča, jir carinžtanami. ⁴Kjaž wilta kjojchami kjarami carinžtan čhejlžinzpantača. Čhejlžtiquiztan carinaqui kjoksñipankaztača; t'una kjolžñipankaztača. Anaž jecmi nii žoñž

azquiziqui alcansat'cha, nii atipzjapaqui.
⁵Ween majiñ campu santuran cururan
 ojklayñita'cha kjawcan. Maztan persun
 janchi chjojrītsñita'cha. ⁶Ažquiztan nii
 žoñiqui Jesusa cheržcu, zajtžquichi'cha,
 Jesusiž yujcquiz quillzlaki. ⁷Nekztan
 altu joržtan chiichi'cha, tuž cjican:

—Jesusa, Arajpach Yooz Maati,
 ěkjažtiquiztan am wejtquiz mitisi? Am
 roct'u'cha, anaž wejr tjatnalla, anaž
 wejr sufriskatalla.

⁸Tuquiqui Jesusaqui mantichi'cha, tuž
 cjican:

—Zajra, tii žoñžquiztan ulna.

Nuž mantitiquiztan zajraqui
 chiichi'cha. ⁹Nižaza Jesusaqui
 pewczi'cha:

—Ěčjul tjuuchizamta? —cjican.

Nii zajraqui kjaazi'cha, tuž cjican:

—Tama cjitaž wejt tjuuqui. Tama'cha
 wejrnacqui.

¹⁰Nekztan nii zajranacaqui
 Jesusižquiz ancha rocchi'cha, ana
 najwcuñ ojklayskatajo. ¹¹Nekziqui tsjii
 lumquiz tama cuchinacaqui lulat'cha.

¹²Nižtaqui Jesusižquiz rocchi'cha, tuž
 cjican:

—Cuchinacžquin wejrnac cuhnalla.
 Cuchinacžquizkaz luzkatalla.

¹³Nekztanac Jesusac cjichi'cha:

—Oka nižtaqui.

Ulanžcu zajranacami cuchinacžquiz
 luzzi'cha. Tsjii pizc waranka
 cuchinaca želat'cha. Zajranacaž luztan
 cuchinacaqui ispantichi'cha. Kot kjutñi
 jira pariju chjucuntichi'cha. Kjazquiz
 luzcu, ticzi'cha.

¹⁴Nekztanaqui nii cuchi itzñi
 žoñinacaqui tsucaña zajtchi'cha.
 Wajtquinami jochquinami cwint'i'chi'cha
 cuchi kjazquiz katta quintu. Nekztan
 žoñinacaqui ojki'chi'cha, nii paatanaca
 cheržñi.

¹⁵⁻¹⁶Jesusižquin irantižcu, zajraž
 tanta žoñi žejtchi cherchi'cha.

Julzi, zquitimi cujtzi, žejtchi, niža
 cherchi'cha. Jalla nuž cheržcu nii
 žoñinacaqui ancha tsucchi'cha.
 Ispantichi'cha. Nekztan nii cheržñi
 žoñinacaqui yekja žoñinacžquiz
 mazzi'cha. Jaknužt nii zajraž tanta žoñi
 wat'chaja, jaknužt nii cuchinacami
 wat'chaja, nii mazmazzi'cha.

¹⁷Nekztanaqui žoñinacaqui Jesusižquiz
 rocat'cha:

—Tii yokquiztan okalla amqui,
 —cjican.

¹⁸Nekztan Jesusa walsiquiz luznan
 nii žejtchi žoñiqui Jesusižquiz
 rocat'cha:

—Amtanpan tira žejlz pecu'cha,
 —cjican.

¹⁹Jesusaqui ana munchi'cha, tuž
 cjican:

—Am kjuya oka amqui, am
 jamillanacžquin. Ninacžquiz
 mazca, “Wejr okzi'cha Yoozqu. Yooz
 ěhjetintit'cha wejrqui”, cjican.

²⁰Nekztanaqui Tunca Wajtanaca
 cjita yokaran ojklaychi'cha nii žejtchi
 žoñiqui. Nicjuñ jaknuž Jesusaqui
 nii ěhjetinchižlaja, jalla nii
 mazmazquichi'cha. Jalla nekztanaqui
 nii maztiquiztan tjapa žoñinacaqui
 tsucchi'cha.

JESUCRISTU'CHA LAA ŽOÑI ĚHJETIN'NIQUI

²¹Nekztanaqui Jesusaqui kot
 najwctuñtan quejpžquichi'cha
 walsiquiz. Kot ataran želan, nekziqui
 muzpa tama žoñinacaqui niž muytata
 ajczi'cha. ²²Jalla nekztan tsjii Jairo
 cjita žoñiqui tjonchi'cha. Judionacž
 ajcz kjuy jilirita'cha niiqui. Jesusa
 cheržcu niž yujcquiz ezlaki quillzi'cha.
²³Nekztan Jesusižquiz ancha rocchi'cha,
 tuž cjican:

—Ticzmayaž wejt kolta uzqui.
 Tjonžcalla amqui. Wejt uzaquiz am

persun kjaržtan lanžinalla, wejt uz žetajo, ana ticznajo.

²⁴Nekztanac Jesusaqui niižtan chica nii žoñž kjuya ojkcichiha. Okan tama žoñinacaqui Jesusiž wirquiz apzičha, ts'acjascan tejwc tejwewarascan.

²⁵Žoñinacž taypiquiz tsjaa laa žon želatčha. Tuncapan wata ljoc okiñtačha.

²⁶Tsjii kjaž kullñi žoñinacžquin ojkciničha. Juc'anti sufriskatchičha ninacaqui. Nužquiz inapankaz tjappacha naaža cusasa castassinčha. Naa žonqui juc'anti laa cjsnatčha; ana wira žeti atatčha. ²⁷⁻²⁸Jesusiž paata quintunaca nonchinčha. Nekztan Jesusiž wirquiztan macjatchinčha. Tama žoñinacž taypiquiz želan, tuž cjican pinsichinčha:

—Niiž zquitikaj lanznuchaj niiqui, žetaka.

Nekztan niiž zquiti lanzinčha.

²⁹Lanžcu nii orapacha tsjitsičha naaža ljoc ojkniqui. Žejtchinčha. Persun janchiquiz naychinčha, nii laaquiztan žejtchi. ³⁰Jesusaqui persun kuzquiz naychičha, niiž aztan naa žon čhetinchičha, nii. Nayžcu wir kjutñi cherzičha. Nekztan pewczičha, tuž cjican:

—¿Ject wejt zquiti lanzejo?

³¹Nekztanac niiž tjaažinta žoñinacaqui cjichičha:

—Cherzna. Tama žoñinaca ancha amquiz ts'acjassa. ¿Kjažtiquiztan am nuž pewczjo, “Ject wejr lanzejo?” cjicanajo.

³²Nekztan Jesusac žoñinacž kjutñi chercherzičha, jectčhalaj nii lanzi, nii pajzjapa. ³³Nekztan naa žonqui persun curpu žejtchi nayžcuqui, ekeksan cjarcatcan macjatchinčha, Jesusiž yujcquiz quillzinčha. Nekztan naaqui tjapa werara mazzinčha. ³⁴Nekztan Jesusaqui cjichičha:

—Cullacalla. Tjapa kuztan criichiž cjen, čhetinta cjissamčha. Jaziqui

žejtchipanim cjequičha. Cuntintum okaquičha.

³⁵Nekztanaqui Jesusiž naa žonaquiz chiyan, tsjii žoñinacaqui tjonchičha; Jairo cjita judio jilirž kjuyquiztan tjonchičha. Nii jiliržquiz cjichičha:

—Am uzqui ticzinčha. Anam iya tii maestružquiz molistis waquizičha.

³⁶Jesusazti nii žoñinacž chiita taku ana catokchičha. Nekztan nii jiliržquiz cjichičha:

—Ana am niic kuz turwayskata. Yoozquin tjapa kuztanpan cjeella.

³⁷Nekztan Jesusaqui Pedružtan Santiagužtan Juanžtan (Santiaguž lajk) ninacakaz apskatchičha. Partinaca ana apskatchičha Jesusaqui. ³⁸Nekztan judío jilirž kjuyquin irantižquichičha.

Nekzi žoñinacaqui ancha kjawcanž kaatkalčha. Nižta cherchičha Jesusaqui. Ancha arnatčha nii kaañi žoñinacaqui.

³⁹Kjuyquin luzcu, Jesusaqui cjichičha:

—¿Kjažtiquiztan ancha aranjjo, nižaza kaajo? Taa uzqui anačha ticzin, tjajčha.

⁴⁰Nekztan nii žejlñi žoñinacaqui tjassičha, nii nonžcu. Jesusazti zancuñ nii žoñinaca ulanskatchičha. Nekztanaqui Jesusaqui maa ejpžtan niiž mazinacžtan luzzičha, jakziquin naa uz želatčhaja, nicju.

⁴¹Nekztan Jesusaqui naa uza kjara tanzicha. Nižaza altu tawkžtan chiichičha: —Talita cumi, —cjican.

Nii takuqui cjičha, “Usalli, žaazna”.

⁴²Nekztanac nii orapacha naa uzqui žaaziñčha. Ojklaychiñčha. Tuncapan watchiztačha naa uzqui. Nekztanaqui nii žoñinacaqui kuz kata tsucchičha. Ancha ispantichičha. ⁴³Nekztan Jesusaqui zuma iwjt'ichičha, tuž cjican: —Ana jecžquizimi tii čhetinta quintu chii chiyauzičha.

Nuž mantižcu, ninacžquiz mantichizakazza, naa uzaquiz čhjeri tjajjo, nii.

NAZARET CJITA WAJTQUIN OJKCHIČHA

6 ¹Nekztanaqui Jesusaqui najwctan persun wajtquin ojkchičha niiž tjaajintanacžtan. ²Jeejz tjuñquiziqui judionacž ajcs kjuyquiz tjaajinchičha. Nii nonžcuqui žoñinacaqui ispantichičha, tuž cjican:

—¿Jakziquin zizzit tii žoñi tii tjaajinznacaya? ¿Jaknuž zizzit tii tjaajinznacaya? ¿Jaknuž paachit tii milajrunacaya? ¿Jaknužupan teejo? ³Tiiqui carpintirukazla, María majchčha tiic, ¿ana jaa? Tiiž lajknacaqui Jacobo, José, Judas, Simón cjitačha. Ninacžtan tiiž cullaquinacžtan tii wajtquiz učhumnacžtan kamčha. —Nuž cjichičha.

Nekztanaqui nii wajtchiz žoñinacaqui Jesusiž quintra muzpa žawjzičha. ⁴Nekztan Jesusac chiichičha:

—Tjapa žoñinacaqui Yooziž uchta profetžquiz rispitle. Pero persun wajtchiz žoñinacami persun parintinacami persun familianacami profetžquiz anaž rispitz pecničha.

⁵Nekziqui nii wajtquiz tsjii kjažultan žoñi čhjetinchičha, kjaržtan lanžcu. Ana iya milajru paayi atchičha. ⁶Ana criiniž cjen Jesusaqui cjichičha:

—¿Kjažtquiztan tii žoñinacaqui ana crijo? ¿Kjažt cjisnaquejo?

Nekztanaqui nii wajtquiztan ulanžcu, visinunacž wajtquiztan wajta tjaajinñi ojklaychičha Jesusaqui.

TJAAJINTA ŽOÑINACA CUCHANTA

⁷Jesusaqui niiž tuncapan tjaajinta žoñinaca kjawžcu, pucultan pucultan cuchanchičha:

—Ančhucqui Yooz aztan zajranaca chjatkataquičha, —cjican.

⁸Jalla nekztanac mantichičha, tuž cjican:

—Ančhucqui anaž čhjulumi chjichaquičha jiczjapaqui, anaža žak quelzmi anaza čherimi anaza paazmi. Tsjii atskaz chjichaquičha. ⁹Čhjata čhatžcučha okaquičha. Nižaza tsjii zquitillchizkaz okaquičha, ana pizc zquitichiz. ¹⁰Ančhucqui jakziquinž alujasačhaja, nekziž kamaquičha, čhjulatorat nii wajtquiztan ulnačhaja, niicama. ¹¹Jakzilta watjat ančhuc ana chertz pecčhaja, nižaza ančuca takumi ana nonz pecčhaja, jalla nii wajtquiztan ulnaquičha. Nekztan nii yok pulpu ančuca kjojchquiztan tsajt tsajtsnaquičha, ninacž uj tjeezjapa. Ultim weraral cjiwčha, juyzu tjuñquiziqui Sodomo nižaza Gomorra cjita watjanacchiz žoñinacaqui castictaž cjequičha. Pero nii ana ančhuc pecni žoñinacazti juc'anti castictaž cjequičha. —Nuž cjichičha Jesusaqui.

¹²Jalla nekztanaqui niiž tuncapan tjaajinta žoñinacaqui Yooz taku paljayi ulanchičha, tuž cjican:

—Ančhucqui tjappacha kuz campiya. Ančuca uj paaznacaqui eca.

¹³Nekztanaqui zmali zajranaca chjatkatchičha. Nižaza asiitižtan achquiz tjawkžcu, muzpa laanaca čhjetinchičha.

JUAN BAUTISTA CONTA

¹⁴Tjapa kjutñi nii yokaran žoñinacaqui Jesusiž ancha wali paata milajrunaca zizzičha. Herodes cjita nacionž chajwc jilirmi zizzizakaztačha. Nii Jesusiž paata milajrunacž puntu nonžcuqui, Herodesaqui cjichičha:

—Juan Bautista la tiiqui. Ticziquiztan jacatatchižlani. Jalla nižtquiztan walja milajrunaca paazjapa poderchizlani.

¹⁵Yekjap žoñinacaqui cjichičha:

—Elías cjita profetila tiiqui.

Yekjapaqui cjichiċha:

—Tuquitan Yooz taku parliċi profetažtakazla tiiqui.

¹⁶Jesusiž quintu nonžcu Herodes cjita nacionž chawc jiliriqui cjichiċha:

—Juan Bautistala tiiqui. Wejrqui tiiz aha pootkatchinċha. Anziqui jacatatchila tiiqui. —Nuž cjichiċha Herodesaqui.

¹⁷Tuquiqui tužu watchiċha. Herodiy cjita žonqui Felipiz tjuntaċha.

Felipitaċha Herodes jilaqui. Nekztan Herodesaqui Felipiz tjunatan zalsiċha. Nekztan Herodiy cjita tjunqui Herodižquiz paljaychiċha:

—Nii Juan tankata. Carsilquiz chawjczna. —Nuž cjichinċha naaqui.

¹⁸Tuquitan Juanqui Herodes cjita jiliržquiz chiižinchiċha, tuž cjican:

—Am persun jilž tjunatan zalsamċha amqui. Nuž ana waquisiċha. Jaziqui liy quintram kamċha amqui.

¹⁹Nekztanaqui naa Herodiiqui Juanž quintru ancha žawjchinċha.

Conkatzpan pecatċha. Pero ana atchinċha. ²⁰Juanqui zuma kuzziztaċha, ana ujchiz žoċi. Nekztan Herodesaqui Juanžquiz eksiċha. Nekztan Herodiyqui ana conkati atchinċha. Herodesaqui Juanž taku nonžcu, walja paysnakchiċha. Jalla nuž cjenami Juanž taku jutztazċipankaztaċha.

²¹Wiruċaqui niiz cumpliaċos pijiztiquiz Herodesaqui cusa ċherinaca luli kjawziċha. Wajt jilirinaca, sultatž jilirinaca, Galiliquiztan ricach žoċinaca, ninaca kjawziċha. Nii tjuċquiz naa Herodiyqui ancha kuz tjutzinċha, Juan conkatzjapaqui.

²²Nii nooj jakziquin ċheri lujlċhaja, nicju Herodiyž turqui tsati luzzinċha. Nekztanaqui naa turaž ancha tsajtchinċha. Nii cheržcu, jutztaziċha Herodižtan niiz invitta

žoċinacžtanaqui. Nekztan nii Herodes jiliriqui naa turaquiz paljaychiċha, tuž cjican:

—Ĉhjulum pecċhaj niiqui, wejtquiztan mayaquiċha. Amquiz tjaaċha.

²³Jaziqui Herodesac turaquiz juramentužtan ċhiichiċha, tuž cjican:

—Ĉhjulu pecanami amiž maytacama ċhicat wejt nacionami amquiz tjasaċha.

²⁴Nekztan ulanžcu naa turqui maa pewczinċha:

—ĈĈhjulut wejr mayas, mama?

—cjican. Maaqui kjaazinċha:

—Juan Buatistiž aha maya.

²⁵Nekztan apura jiliržquiz luzquichinċha naa turqui. Maychinċha maaž mantitacama, tuž cjican:

—Anzpacha tsjii chuwquiz Juan Bautistiž achal pecuċha.

²⁶Nekztanaqui nii jiliriqui ancha llactazziċha. Juramentužtan ċhiichiž cjen, nižaza niiz mazinacaž nonziž cjen, ana kjaž cjiyi atchiċha. ²⁷Nekztan sultatu cuchanchiċha Juanž aha zijjcajo. ²⁸Carsila ojkcċhiċha mantita sultatuqui. Nekztanaqui Juanž aha pootžcu chuwquiz zijjccċhiċha. Naa turaquiz aha tjaatataċha. Nekztan naaqui maaquin aha tjaažquichinċha.

²⁹Jalla nekztanaqui Juanž aha poota nonžcuqui, Juanž tjaajintanacaqui niiz curpu mayi tjonchiċha, ċjitzjapa, yokquiz tjatzjapa.

LUJLZ ĈHJERI TJAATA

³⁰Wiruċaqui Jesusiž cuchanta žoċinacaqui quejpžquichiċha. Jesusižquiz cwint'ichiċha tjapa ojklantanacami tjapa tjaajintanacami. Nekztan Jesusaqui ninacžquiz paljaychiċha, tuž cjican:

³¹—Jakziquint ana žoċinaca žejlċhaja, nicju tjappachaž ojklalla.

Nicju jeejzcaquiĉha. Ancha ŝoĉinacaŝ tjonŝjonŝtiŝuiztan wira ana ĉherimi lujlŝucataĉha.

³²Nekztanaqui Jeŝuŝiŝtan niiz tjaajinta ŝoĉinacŝtan, jalla ninacakaz ojkĉiĉha; ana ŝejlŝ yokquin walsiquiz ojkĉiĉha. ³³Pero eclichi ŝoĉinacaqui ninaca ojkĉi cherciĉha. Ŝoĉinacaqui ninaca pajŝcu tjapa wajtquiztan kjojĉuĉn zajtĉiĉha. Jaziqui nii ŝoĉinacaqui Jeŝuŝiŝ tuqui irantichiĉha. ³⁴Jeŝusaqui nii yokquin irjatŝcuqui walsiquiztan ulanchiĉha. Nekztan tama ŝoĉinaca cherziĉha. Nii ŝoĉinaca okziĉha. Ana awatirĉiz uuzanacaŝtakaz nii ŝoĉinaca ŝelatĉha. Nekztanac Jeŝusac walja tjaajinĉiĉha. ³⁵Ima tjuĉn katalla Jeŝuŝiŝ tjaajintanacaqui tjonĉiĉha, tuŝ ĉjican: —Ana ŝejlŝ yokquizla uĉhumqui. Tjuĉniŝ wajiĉlaŝ kataquiĉha. ³⁶Jaziqui tii ŝoĉinacaqui joch kjuĉniŝ wajt kjuĉniŝ cuĉnalla, niĉju ĉherimi kjayŝcajo. Ninacŝta ĉheri ana ŝejlĉha.

³⁷Jeŝusaqui kjaaziĉha:

—Anĉhucĉha tinacŝquiz ĉheri tjaa. Ninacaqui ĉjichiĉha:

—ĉTinacŝquiz ĉheri tjaaŝjapa, paa patac paaztan t'anta kjayi okas?

³⁸Nekztan Jeŝusac kjaaziĉha:

—ĉKjaŝ t'antat anĉhucalta ŝejljo? Cherŝca anĉhucui.

Nekztan cherŝcu quejpŝquichiĉha ninacaqui. Nekztan ĉiichiĉha, tuŝ ĉjican:

—Pjijska t'anta pizc ĉh'iz ŝejlĉha.

³⁹Jalla nekztanaqui Jeŝusaqui ninacŝquiz ĉjichiĉha:

—Jaziqui pastu yokaran t'aka t'aka tii ŝoĉinaca tjuĉlŝna, ⁴⁰patacquiztan pataca, pjijska tuncquiztan pjijska tunca.

Nekztan nuŝupan juĉziĉha ŝoĉinacaqui. ⁴¹Nekztanaqui Jeŝusaqui nii pjijska t'anta pizc ĉh'iz

niiz kjarquiz tanzcuqui, tsewcchuc cherziĉha. Nekztan Yooz Ejpŝquin gracias ĉjican ĉiichiĉha. Nekztan t'anta kjoĉziĉha. T'una t'una kjoĉŝcu, tjaajintanacŝquiz tojziĉha, parti ŝoĉinacŝquiz onajo. Niŝaza nii pizc ĉh'iz tojzizakazza ŝoĉinaca lulajo.

⁴²Nekztan tjapa ŝoĉinacaqui ĉjeki ĉjiŝiĉha. ⁴³Nekztanaqui ŝejtĉhi t'anti t'unanacami ĉh'iz t'unanacami tuncapan canasta ĉhjipi ricujĉiĉha. ⁴⁴Nii t'anta lujlŝi luctak ŝoĉinacaqui pjijska warankataĉha.

JESUSAQUI KJAZ JUNTUŝ OJKCHIĉHA

⁴⁵Nekztanaqui Jeŝusaqui niiz tjaajintanaca walsiquiz luzkatchiĉha, nii kota kakajo, Betsaida ĉjita wajtquin kotŝ najwcchaktan. Ninacŝ ojktaŝ Jeŝusaqui parti ŝoĉinacŝquiz ĉjichiĉha: —Anĉhuc kjujaŝ okaquiĉha.

⁴⁶Ŝoĉinaca cuĉanŝcuqui Jeŝusaqui cur kjuĉniŝ yawĉiĉha, Yooz Ejpŝtan parliŝjapa. ⁴⁷Nii oraqui zumĉitaĉha. Curquin Jeŝusaqui zinallataĉha. Pajk kotquiziqui nii tjaajinta ŝoĉinaca walsiquiz kjaz kot taypiquintaĉha.

⁴⁸Jeŝusaqui curquiztan walsa cherĉiĉha. Tjamiŝui pjursantitaĉha. Nii tjaajinta ŝoĉinacaqui tjapa aztan langznatĉha, najwcchaktan walsa tjakŝjapa. Ima kĉantatiŝ ĉjen ninacŝquin ojkĉiĉha Jeŝusaqui. Kjaz juntuŝ ojkĉiĉha, ŝjii latu watŝjapa. ⁴⁹Nii tjaajintanacazti Jeŝusa kjaz juntuŝ ojkĉi cherĉiĉha. Nekztanac kjawĉiĉha:

—Cuntinaŝ caa, almaŝ caa, —ĉjican.

⁵⁰Ancha tsucĉiĉha. Nekztanaqui Jeŝusaqui paljayĉiĉha, tuŝ ĉjican: —Anaĉha tsuca anĉhucui. Wejrtĉha. Tjuŝ kuzziz ĉjee.

⁵¹Nekztanaqui walsiquiz luzziĉha Jeŝusaqui. Nii oraqui tjamiŝui zekziĉha.

Jalla nekztanaqui tjaajintanaquiqui ispanitichicha. Inakaz cjisichicha.
⁵²Ninacatacha ana nii t'anta milajru intintazninacauqui. Imazi ninacz kuznacatacha zizni.

JESUSAQUI LA ZONINACA CHJETINCHICHA

⁵³Nekztanaqui pajk kota kajzczuqui Genesaret cjeta yokquiz irantichicha. Nekztan walsa kjaz kot atquiz mokzczu ecchicha. ⁵⁴Walsiquiztan ulnan zoninacauqui Jesusa pajchicha. ⁵⁵Jalla nekztanac nii zoninacauqui tjapa kjutni ojkhicha, laanaca zijiczjapa. Jakziquint Jesusa zelat'haja, nicju laa zoninaca zijecchicha zquitquiz callzcu. ⁵⁶Jochiran kolta watjaran pajk watjaran ojklayat'cha Jesusaqui. Jakziquint ojklayat'haja, nekzi laa zoninaca zijicnipankazta'cha. Nizaza zoninacauqui Jesusa rocchicha, laa zoninaca Jesusiz zquiti lanznajo. Jesusiz zquiti lanzninacauqui zjetchicha.

ICHJULUT UJ CJES ZONZQUIZQUI?

7 ¹Nekztanaqui fariseo zoninacauqui Jesusizquize macjatchicha, tsjii kjazt judiu'z lli tjaajininacz'tan Jerusalequiztan tjonchi. Jakziquin Jesusa zelat'haja, jalla nicju ajcsicha. ²Nizaza nekzi Jesusiz tjaajinta zoninacauqui chjeri lulat'cha, kjara awjz costumbre ana paa'zcu. Nu'z ana kjara awjzcu lulan, cherchicha parti zoninacauqui. Nekztan quintrachiichicha. ³Nii fariseo zoninacauqui ana kjara awjzcu, wira ana lujlnit'cha. Parti judio zoninacauqui niztazakazta'cha. Jaziqui tuquita zoninacz costumbre nu'zupan chjojnit'cha. ⁴Nizaza chjeri kjayzcu ana kjara awjz costumbre paa'zcu, ana wira lujlnipant'cha. Nu'zupan ancha costumbre cumplininacata'cha.

Wazunacami mazcanacami jir mazcanacami catrinacami niztanaca ajunnipankazta'cha. ⁵Nu'z cjen nii fariseo zoninacauqui judiu'z lli tjaajininacz'tan Jesusizquize pewczicha, tu'z cjan:

—Ichjatziquiztan am tjaajintanaquiqui tuquita costumbre ana cumplejo? Ana kjara ajwzcu lujl-la.

⁶Jesusaqui ninaczquize kjaazicha, tu'z cjan:

—Anazum kuzziz zoninac'huc'cha anchucui. Ultim werara anchuca puntuquiztan chiichicha tuquita Isaías cjeta zoni'qui. Tu'z cjan cijrtkal'cha:

“Tii zoninacauqui tawkztankaz Yooz rispitcha; juntun'kazza. Ultimu kuzquize ana Yooz rispitcha.

⁷Inapankaz Yooz sirwicha tii zoninacauqui. Tinacauqui zonz taku tjaajinicha, ‘Tii'cha Yooz taku'qui’, cjan”.

—Nu'z cijrtkal'cha Isaías cjeta zoni'qui.

⁸Jesusaqui cjichizakazza:

—Niztapan anchucui Yooziz mantita ana cumplin'chuc'cha. Zonz cuzturumpi cumplin'chucpankazza. Mazcanacami wazunacami ajunz nizta costumbrenaca cumplin'chucpankazza. ⁹Anchucui Yooziz mantita t'atan'cha. Anchuca costumbrekaz tucquin ut'cha. ¹⁰Tuquita Moisés cjeta zoni'qui chii'zinichicha:

“Am maa ejp rispita. Nizaza jakziltami niiz maa ejp'z quintrachjaawjkata'haja, jalla niiqui, contaj c'jila”. Nu'z mantichicha Moisesaqui.

¹¹Anchuczti tu'z cjin'chuc'cha:

“Jakzilta zoni'z niiz maa ejp'zquize chiyasa'cha, tu'z cjan, ‘Wejrqui amquize anal yanapi atas'cha. Tjapa wejt cusasanaca, Yoozquize tjaata'cha’.
¹²Nu'z chiya'chaj niiqui, maa ejp yanapz ana'z waquisicha”. Nu'z cjin'chuc'cha

ančhucqui. ¹³Nižtiqiztan ančuca costumbre ana tjatzníž cjen, Yooz mantitaqui tjatža. Jalla nižta paayinčhucpankazza ančhucqui. —Nuž chiižinchiča Jesusaqui.

¹⁴Nekztanaqui Jesusaqui wilta žoñinaca kjawziča, tuž cjian:

—Ančhucqui, tjappacha nonžna. Wejt taku intintazni cjee. ¹⁵Anaž zawnctan kjuyłchuc luzñiqui uj cjesača žoñžquiziqui. Žoñž kuzquiztan ulanñi niž uj cjesača žoñžquiziqui. ¹⁶Jakziltažlaj nonžni cjuñchiz niiqui, nonžla.

¹⁷Nekztanac Jesusac žoñinaca eccu kjuya ojkchiča. Kjuya luzcu niž tjajintanacaqui Jesusižquiz nii ana intintazta takunaca pewcziča.

¹⁸Jalla nekztan Jesusaqui kjaaziča, tuž cjian:

—čAnčhucqui nižtazakaz anaž naazya? čAnapanž intintiya? Tužuča niiqui. Anača zawnctan kjuyłchuc luzñiqui uj cjesača žoñžquiziqui.

¹⁹Nii lujłtaqui kuzquiz ana luzasača; pjuchquizpanž luzza. Nekztan pjuchquiztan wir kjuñi ulanča zawncchuc. Jalla nižtiqiztan čhjul čhjeripankaz lulasača žoñinacaqui.

²⁰Nekztan cjichizakazza:

—Kuzquiztan ulanñi niž uj cjesača žoñžquiziqui. ²¹Žoñž kuzquiztan tižta ana walinaca ulanča: anawali pinsiz, adulteriuquiz ojklayz, yekja maatakžtan žejłz, žoñi konz, ²²tjañi cjis, wali jiru cjis pecz, uj paaz, incallz, anawali kamañchiz cjis, čhjułtaki zmaz, anazum takunaca joojooz, mita cjis, anazum kuzziz cjis. ²³Nižtanaca kuzquiztan ulanča. Jalla nižtanaca uj cjesača žoñžquiziqui.

JESUSIŽQUIN KUZZIZ MAATAKA

²⁴Nekztanaqui Jesusaqui tsijtsiča. Jakziquin Tiro Sidón cjita watjanaca

žejłčhaja, nijcchuc ojkchiča. Nicju tsjii kjuyquiz alujassiča. Ana žoñiž pajta kamz pecatča. Pero ana pajta kamzqui anapantaž atchuca. ²⁵Jesusiž tjonta zizcu nii orapacha tsjaa žonqui Jesusiž yujcquiz quillzlaki macjatžquichinča. Naaža uzqui zajraž tantatača. ²⁶Sirofenicia cjita yokchiz žontača naaqui. Grecia cjita taku chiyiñtača. Jaziqui naa žonqui Jesusa rocchinča:

—Wejt uzaquiztan zajra chjatkatzinalla, —cjican.

²⁷Nekztan Jesusaqui kjaaziča:

—Primiru maatinaca čhjeri čhjeku lujłsa. Maatinacž čhjeriqui kjañčcu pawczquin tjojtanz anaž waquiziča.

²⁸Naaqui kjaazinča, tuž cjian:

—Nužupanzača. Weraram chiiča. Pero pacunacami mis koztan ocjalž tajwkta čhjerinaca lujłča.

²⁹Nekztanac Jesusac chiichiča:

—Amiž zuma chiitiquiztan zajraqi ulanskatchinča am uzaquiztanaqui. Jaziqui am kjuya quepa.

³⁰Nekztanaqui kjuya quejpchinča naa žonqui. Nii kjuyquin naaža uz ajpsquiz želanami, zajraqi chekapanž ulantkalča.

OŃ ŽOŃI ČHJETINTA

³¹Nekztan Jesusaqui Tiro cjita yokquiztan quejpžquichiča. Sidón cjita watja, Decápolis cjita yoka watžcu Galilea cjita kot ataran ojklaychiča.

³²Nicju tsjii oñ žoñi Jesusižquiz zjiytatača. Cjacija chiiñizakaztača. Nekztan žoñinacaqui Jesusižquiz rocatča:

—Am kjaržtan tii žoñi lanžinalla, —cjican.

³³Nekztanaqui Jesusaqui nii žoñi chjitchiča tsjii latu. Nekztan nii oñ žoñž cjuñquiz loc'anžtan čhjažpiča. Nekztan llawsižtan tjujtžcu nii žoñž

las lanziča. ³⁴Nižaza Jesusaqui tsewcchuc cheržcu:

—Aayj, —cjican llastazziča.

Nekztan chiichiča,

—Efata, —cjican.

Nii tsjemat taku cjiča, “Cjetzi cjee”, nii.

³⁵Nekztanac nii žoňž cjuňinacaqui cjetzi cjissiča. Niiž lasqui žejtchizakazza. Cusa chiiňi cjissiča.

³⁶Nekztanaqui Jesusaqui mantichiča, tuž cjican:

—Tii anam jecžquizimi maznaquiča.

Nekztanaqui žoňinacaqui nii taku ana cassiča. Nekztan Jesusaqui juc'anti ana chiychiyajo mantichiča. Nekztan nii žoňinacazti juc'anti mazmazziča tjapa kjutňi.

³⁷Jaziqui walja ispantichiča nonžňi žoňinacaqui, tuž cjican:

—Tjapa niiž paatanacaqui ancha zumača. oň žoňimi nonskatňiča. Up žoňimi chiikatňiča. Ancha cusača.

JESUSAQUI ČHJERI TJAACHIČHA

8 ¹Tsjii nooj muzpa žoňinacaqui wilta ajcsiča. Čhjeri miranzcama žejlchiča. Nekztan Jesusaqui niiž tjajjintanaca kjawžcu, ninacžquiz paljaychiča, tuž cjican:

²—Čhjep maj tii žoňinacaqui wejtta kamchiča. Jaziqui tinacaqui ana čhjerchizza. Tinacžquiz okžnuča. ³Ana čhjeri tjaažcu kjuya cuchnasaz niiqui, jiczquiz čhjerž kjara tismayasača. Yekjap žoňinacaqui ažquiztan tjonchiča.

⁴Jesusiž tjajjintanacaqui kjaaziča:

—Wazquizza učumqui; anaž čhjulum žejlča tekziq. ĺČhjul čhjeri tii žoňinacžquiz tjasažo, wejrnacžo?

⁵Nekztan Jesusaqui ninacžquiz cjichiča:

—ĺKjaž t'antat ančhucalta žejlya?

Tjaajintanacaqui kjaaziča:

—Pakallaku.

⁶Jaziqui Jesusaqui nii žoňinacžquiz chiichiča:

—Ančhucqui, yokquiz julzna.

Nekztanaqui t'anta tanžcu Yooz Ejžžquin gracias cjican chiichiča. Nekztan t'anta kjolkjolžcu, niiž tjajjintanacžquiz tjaačiča, žoňinacžquiz tojznajo. Nekztan partir paychiča tjajjinta žoňinacaqui. ⁷Nii tjajjintanacaqui tsjii kjaž čh'iznacchiztača. Nii tanžcu Jesusaqui wilta Yooz Ejžžquin gracias cjican chiichiča. Nekztan tjajjintanacžquiz chiichiča:

—Tii žoňinacžquiz tii čh'iznaca tojzna, ančhucqui.

⁸Nii žoňinacaqui luljchiča, chjekaňcama. Nekztan žejtchi čhjerinaca tjappacha junižcu, pakallaku canasta chjijsiča.

⁹Nii luljni žoňinacaqui tsjii pusi warankatača. Nekztan Jesusaqui žoňinaca cuchanchiča, kjuya okajo.

¹⁰Jesusaqui tjajjintanacžtan walsiquiz luzcu, Dalmanuta cjita yokquin ojkičiča.

JESUSIŽ QUINTRA ŽOŇINACA

¹¹Fariseo žoňinacaqui tjonžcu, Jesusižquiz čh'ayi kallantichiča, tuž cjican:

—Amqui Yooztamčhalaj niiqui, milajru tekz paalla nižtaqui.

¹²Nekztan Jesusaqui walja llastazcan ujrsiča. Nekztan chiichiča, tuž cjican:

—ĺKjažtiquiztan milajrukaz pecjo? ĺTii žoňinacajo? Weraral cjiwča, milajru ana paasača.

¹³Nii žoňinaca eccu, walsiquiz luzcu, ojkičiča, wilta kot nawjktuňtan kajkžjapa.

¹⁴Jesusiž tjajjintanacaqui t'anta čhjitz tjatsiča. Tsjii t'antakaz želatča

walsiquiz. ¹⁵Nekztan Jesusaqui ninacžquiz chiižinchiča:

—Cwitazaquiča fariseož liwaturžquiztan nižaza Herodiž liwaturžquiztan.

¹⁶Nekztan nii tjaajinta žoñinacaqui Jesusiž chiižintiquiztan palt'ichiča, tuž cjan:

—Učhumqui ana t'anta zijictala. ¿Kjaž cjeequejo?

¹⁷Nekztan ninacaž nuž parlan, Jesusaqui pewcziča:

—¿Kjažtiquiztan t'antiquiztan parli ančhucjo? ¿Anapanž intintiy? ¿Kjažtat ančhucjo? ¿Ančhuca kuzqui ana naazñipan, kjažtatajo? ¹⁸¿Ančhuca čhujquiqui anaj cherchiya? ¿Ančhuca cjuñimi anaj nonziya? ¿Tii anapanž cjuñkaya? ¹⁹Wejrqui pjijska t'antižtan pjijska warank luctak žoñinaca lulunchinča. ¿Nekztan kjaž canastat nii žejtchi t'anta ricujtatajo?

Ninacaqui kjaaziča:

—Tuncapani.

²⁰Nekztan Jesusaqui pewczizakazza: —Wejrqui pakallaku t'antižtan pusi warank žoñi lulunchinča. ¿Nekztan kjaž canastat nii žejtchi t'anta ricujtatajo?

Ninacaqui kjaaziča:

—Pakallaku.

²¹Nekztan Jesusaqui pewczizakazza: —¿Anapanž zuma intintas, ančhucjo?

ZUR ŽOÑI ČHJETINTA

²²Nekztan Betsaida cjita yokquin irantichiča. Nekzi tsjii kjažu žoñinacaqui Jesusižquiz tsjii zur žoñi zijecchiča. Zijecžcu rocchiča:

—Tii lanžinalla, —cjican.

²³Nekztan Jesusaqui nii zur žoñž kjarcu tanžcu, wajtž tjiya chjitchiča. Nekztan niiž čhujcquiz llawsižtan t'awziča. Kjaržtan lanžcu pewcziča: —¿Jaziqui čhultakinacam cherya?

²⁴Zur žoñiqui acha waytižcu chercherziča. Nekztan kjaaziča:

—Žoñi cherchucha, ojklayñi. Pero ana cusal cherucha; muntinacažtakaz nii žoñinaca cherucha.

²⁵Jesusaqui nii žoñž čhujcquiz wila kjaržtan lanziča, zuma cherajo. Nekztan niiž čhujqui zuma žejtchiča. Nii žoñiqui zuma calaru cherchiča ažkquin. ²⁶Jesusaqui čhjetinžcu niiž kjuya cuchanchiča, tuž cjan:

—Anam wajtquiz luzaquiča. Anaž jecžquizimi tii čhjetinta chiyaquiča.

¿JECT JESUSAQUI?

²⁷Nekztan Jesusaqui tjaajintanacžtan ojkchiča, Cesarea de Filipo cjita yok kjutñi. Ojkcan Jesusaqui pewcziča:

—¿Ject wejrjo? ¿Kjažt cjii žoñinaca wejt puntuquiztanajo?

²⁸Niiž tjaajinta žoñinacaqui kjaaziča:

—Yekjap žoñinaca, “Juan Bautistala”, cjiča. Yekjapac, “Eliasia”, cjiča. Yekjapac, “Tsji Yooz taku parliñi profetala”, cjiča.

²⁹Nekztan Jesusaqui pewcziča: —¿Ančhuczi, jaknuž cjii wejt puntuquiztanajo?

Pedruqui kjaaziča:

—Yooziž cuchanžquita Cristumča amqui, —cjican.

³⁰Nekztan Jesusaqui mantichiča: —Anaž jecžquizimi nii maznaquiča.

JESUSAQUI MAZINCHIČA NIIŽ TICZ

³¹Nekztan niiž tjaajinta žoñinacžquiz wila tjaajñi kallantichiča, tuž cjan:

—Wejrqui tsewctan cuchanžquita Yooz Žoñtča. Jaziqui ancha t'akjisača. Wajt jilirinacami timlu jilirinacami judio tjaajiñinacami, ninacaqui wejtquiz chjaawjkataquiča. Wejrqui contal cjeeča. Nekztan čhjep majquiztan jacatatača.

³² Jesusaqui nuž kjanacama niž ticz mazinchiča. Tii mazintiquiztan Pedruqui tsjii latu Jesusa chjitchiča. Nekztan paljaychiča, tuž cjican:

—ĽKjažtiquiztan nižta chiiĵo? Anapan nižta chiyalla amqui.

³³ Jesusaqui wir kjutni parti tjaajinta žoñinacžquin cherziča. Nekztan Jesusaqui Pedro ujziča, tuž cjican:

—Satanás, zaraka wejt yujcquiztan. Amiž pinsita anača Yooziž pinsita, žoñiž pinsitakazza.

³⁴ Nekztan Jesusaqui nekz žejlñi žoñinaca kjawžcu, chiižinchiča, tuž cjican:

—Jequit wejttan chica ojklajz pecčhaj niiqui, primiraqui persun kamañ wiraqui tjažla. Sufrisjapaqui listoj cjila, ticzama. Nekztan wejttan chicaž kamaquiča. ³⁵ Jakziltat persun kamañ wira ana tjaž pecčhaj niiqui, arajpach kamañiqui ana tjaataž cjequiča. Jakziltat tii muntuquiz Yooz tawk laycu nižaza wejt laycu persun kamañ wira tjažnačhaja, jalla niiqui arajpachquin wiñaya kamaquiča.

³⁶ Tsji žoñiqui tjapa tii muntuquiz žejlñi cusasanaca canasača. Pero nekztan infiernuquin okaquičiž niiqui, tjapa nii canta cusasanaca, Ľchjuljapat sirwasajo? Inakaz cjequiča.

³⁷ Arajpachquin Yooztan kamzqui persun liwriizqui anaž paaztanac kjayasača. ³⁸ Wejrqui cjiwča, tii muntuquiz žoñinaca žejlča, ana Yooz kuzcama ojklajni, persun kuzcama ojklajni, ujchizza. Nii žoñinacžtan želan, jakziltat wejtquiztan nižaza wejt tawkquiztan asačhaja, nižaza ana pajni chiyachaj niiqui, jalla nižquiztan wejrzał ana pajni chiyacha. Tsji nooĵ wejrqui wejt Ejpž aztan tjonača zuma arajpach Yooz anjilanacžtan. Nii ora wejtquiztan asni ana pajni žoñinacžquiztanaqui wejrzał ana

pajni chiyacha. Wejrqui tsewctan cuchanžquita Yooz Žoñtča. —Nuž cjichiča Jesusaqui.

9 ¹ Jesusaqui cjichizakazza: —Ultimu werara wejr cjiwča, tsji nooĵ Yoozqui aztan mantaquiča. Ima nii tjuñi tjonan yekjap tekzta žoñinacaqui anaž ticznaquiča.

JESUSAQUI TSJEMATA CJISSIČA

² Sojta tjuñquiztan Jesusaqui čhjepultan tjaajinta žoñinaca chjitchiča, Pedro, Jacobo, Juan, jalla ninacžtan. Pakpaltan tsji curu yawchiča. Nicju nii čhjepultanž yujcquiz Jesusaqui tsjemat chercherchiž cjissiča. ³ Niiž zquitiqiu ancha llijatča. Ancha chiw kjaťnižtakaztača. Anaž jec žoñimi nižta chiwi zquiti cjiskati atča. ⁴ Nekztan pucultan žoñinaca jecžquichiča; Elías nižaza Moisés cjitatača ninacaqui. Jesusižtan parličiča. ⁵ Nekztan Pedruqui Jesusižquiz paljaychiča:

—Wejt Tjaajni. Walikazza tekz žejlzqui. Čhjep chjujlli kjuya kjuyznasača, tsjiqiu amta tsjiqiu Moiesta, tsjiqiu Eliasta. ⁶ Nekztan nii tjaajinta žoñinacaqui ancha tsucchiča. Pedruqui čhjulut chiyi ana zuma tantiichucatača.

⁷⁻⁸ Nekztan ninacžquiz tsjiriqui urpuntichiča. tsewctan tsjirquiztan tsji joraqui chiižquichiča:

—Wejt k'ay Majčča tiiqui. Tiižquiz nonžna.

Nekztan tjaajinta žoñinacaqui tjapa kjutni chercherziča. Anazaka čhjulum tjenchiča. Jesusapankaz želatča nii chjepultan žoñinacžtan.

⁹ Jesusaqui nii curquiztan chjiĵwžquican ninacžquiz paljaychiča, tuž cjican:

—Ančucaž cherta ana jecžquizimi chiichiyaquiča. Weriž jacatattan,

nekztan chiichiyaquiĉha anĉhucui.
Wejrqui tsewtan cuchanĵquita Yooz
Žoñĉha.

¹⁰Ninacpora pewcsarasiĉha:

—ĈĴjulut tii jacatatz puntu cjeejo?

Niĵtami Jesusiĵ chiitacama
ojkĉiĉha. ¹¹Nekztan Jesusiĵquiz
pewcziĉha:

—Judiuĵ lli tjaajiĉinacacui
cĵiĉiĉha, “Primiruqui Elías profetaqui
tjonstanĉha”, nii. ĴKjaĵtiquiztan niĵta
chiiya?

¹²Jesusaqui kjaaziĉha, tuĵ cjican:

—Ultimupan Elías profetaqui primiru
tjonĉiĉha, tjappacha tjacĵapa. Niĵaza
cĵijrta Yooz takuqui tuĵ cĵiĉha, wejr
tsewtan cuchanĵquita Yooz Žoñĵ
puntuquiztan. Tekziqui ancha sufraĉha
wejrqui. Ĉĵaawjtaza iĉnartaza cjeeĉha.

¹³Jaziqui wejr cĵiwĉha, Eliaaqui
tjonĉhila. Nekztan žoĉinacacui
Elías ninacĵ munaĉparu paĉhiĉha.
Nuĵupan cĵijrta Yooz takuqui cĵiĉha
Elías puntuquiztan. —Nuĵ cĵiĉiĉha
Jesusaqui.

ZAJRAĴ TANTA UZA ĈĴJETINTA

¹⁴Nekztan parti tjaajinta
žoĉinacĵquiz irantĉiĉha. Nekzi
muzpa žoĉinacacui želatkalĉha.

Parti tjaajintanacĵtan judiuĵ lli
tjaajiĉinacĵtan ch'aazatkalĉha.

¹⁵Tjappacha Jesusa cherĵcu ispanti
ch'uj cĵiĉiĉha. Nekztan tsaani
zajtĉiĉha. ¹⁶Jesusaqui pewcziĉha, tuĵ
cjican:

ĴNinacĵtan ĉĵjulut chiyas?

¹⁷Tsjii žoĉiqui kjaaziĉha:

—Tjaajiĉi Maestro, wejrqui wejt uza
amquiz zĵijĉĉinĉha. Zajraĵ luztan,
upa cjissiĉha. ¹⁸Jakĵiquinami zajraqui
wejt uzquiz pankaz luzta. Nekztan
t'uckatĉha. Nekztan yokquiz tjoĵtsa.
Atquiztan ĉh'utukaĵ jup'okiĉha. Iĵkekaĵ
jojĉha. Lĵajtikaĵ cjissa. Jaziqui amiĵ

tjaajintanacĵquiz rocĉinĉha, zajra
ĉĵjatkatajo. Ninacacui ana ĉĵjatkati
atĉiĉha.

¹⁹Jaziqui Jesusaqui kjaaziĉha:

—Anĉhucui, ana criiĉi
žoĉinacĉhucpanĉha. ĴĈĵjuloracamat
anĉhucatan kamac wejrjo?
ĴĈĵjuloracamat anĉhucatan awantac
wejrjo? Niĵtac nii uza zĵijĉĉa.

²⁰Nekztan nii uzac zĵijĉtataĉha.
Nii zajraqui Jesusa cherĵcu uza
t'uckatĉiĉha. Nekztan nii uzaqui
yokquiz tjoĵtsiĉha. Yokquizpacha
zunt'iĉiĉha, atquiztan ĉh'utu
jup'okcan. ²¹Jesusaqui ejpĵquiz
pewcziĉha:

—ĴĈĵjuloratanpacha am uza
laacĵĉhitajo?

Niiĵ ejpqui kjaaziĉha:

—Koltallquiztanpacha. ²²Tii
zajrapan wilta wilta tjoĵt tjoĵtskatĉhani
ujquizimi kĵazquizimi ticskatĵjapaqui.
Am cunam atĉhani. Tii kullĵinalla.
Okĵnalla wejrncacui.

²³Nekztan Jesusaqui nii ejpĵquiz
chiĉiĉha:

—ĴKjaĵtiquiztan am nuĵ cjeejo, “Am
cunam atĉhan”, cjicanajo? Yoozquin
tjapa kuzziz žoĉiqui ĉĵjulumipankaz
atasāĉha.

²⁴Nii uz ejpqui altu jorĵtan
chiĉiĉha:

—i'Tjapa kuzziz wejrqui! iJuc'anti
Yoozquin kuzziz cĵis yanapt'alla!

²⁵Jesusaqui nayĉiĉha, muzpa
žoĉinaca ajcsquiĉi. Nekztan zajra
ujĵiĉha, tuĵ cjican:

—Zajra, amqui tii uza upa oĉi
cĵiskatĉamĉha. Wejrqui am mantuĉha.
Tiiĵquiztan ulna. Anam iya tii uza
tanaquiĉha.

²⁶Nii zajraqui uza wilta t'uckatĉiĉha.
Nekztan ancha kĵawcan, ulanĉiĉha.
Nii uza ticziĵtakaz cjissiĉha. Nekztan
jila parti žoĉinacacui chiĉiĉha:

—İTiczila tii uzaqui!

²⁷Nekztan Jesusac kjarallcu tanžcu žinžiča. Nekztan nii uzaqui tsijtsiča.

²⁸Nekztanac tjaajinta žoñinacaqui kjuy luzcu jamazit Jesusižquiz pewczyča, tuž cjican:

—ĖKjažtiquiztan wejrnacqui ana nii zajra chjatkati atojo?

²⁹Jesusaqui kjaaziča:

—Ana Yooztan parliscu ana ayunascu, anaž tii zajranacaqui chjatkati atasacha.

JESUSAQUI NIIŽ TICZ MAZINCHIČA

³⁰Nekztanaqui Jesusaqui niiž tjaajintanacžtan ojkcichiča Galilea yoka nuž. Ana žoñiž zizan nekz žejlz pecatča, niiž tjaajinta žoñinacžquiz iya tjaajinzjapa. ³¹Tuž cjican tjaajinchiča:

—Wejrqui tsewtan cuchanžquita Yooz Žoñtča. Tsjii žoñiqui wejr tarazunaž paaquiča, wejr tankatzjapa. Nekztan tantapal cjeeča. Contal cjeeča. Nekztan čhjep majquiztan jacatatača.

³²Tjaajintanacaqui Jesusiž takunaca ana cusa intintazi atchiča. Nižaza Jesusa iya pewcz eksiča:

—ĖKjažt cjiy, nii am takunacajo?

—Nuž cjican, pewcz pecatča, pero.

ĖJEC ŽOÑIT TUCQUINAQUI?

³³Nekztan Capernaum cjita wajta irantichiča. Kjuyquiz luzcu Jesusaqui niiž tjaajintanaca pewczyča:

—ĖOjkan ančhuc čjululuča parliya?

³⁴Nekztan anaž čjulumi kjaaziča. Ojkan tii puntu parlatča, “ĖJect tucquinaqui cjes?” cjican.

³⁵Nekztan Jesusaqui julžiča. Niiž tuncapan tjaajinta žoñinaca kjawžcu, paljaychiča:

—Jakziltat tucquinac cjis pecčhaj niiqui, wirquinpankaz cjis waquiziča. Mantapaazpankaz waquiziča.

³⁶Jesusac tsjii uza kjawžcu, taypiquiz tsijtskatchiča. Nii uza žcojrzjiča, tuž cjican:

³⁷—Jakzilta žoñit wejt laycu tsjii ocjala sirwičhaja, jalla niiqui wejr sirwiča. Nižaza anaž wejr alaja sirwiča; wejrž cuchanžquiñi nii zakaz sirwiča.

CRISTUŽ FAVORA PAAÑI ŽOÑI

³⁸Nekztan Juanqui cjichiča:

—Tjaajiñi, am tjuužtan tsjii žoñiqui zajranaca chjatkatačča. Niiqui ana učumtan chica ojklayniča. Nekztan wejrnacqui ujzinča, “Nižta anača paazqui”, cjican.

³⁹Jesusaqui cjichiča:

—Ana nižta chiya. Jakzilta žoñit wejt tjuužtan tsjii milajru paačhaj niiqui, wejt quintra ana pjazila chiyaquiča.

⁴⁰Jakzilta žoñizlaja ana učum quintra niiqui, učumnaca partizakazza.

⁴¹Weraral chiyuča, ančhucqui Cristuž illzta žoñinacpančhucča. Jakzilta žoñit weriž cjen ančhucquiz tsjii kjazllami onančhaja, jalla niiqui nekztan ultimu juc'ant zumanaca tanznaquiča arajpachquin.

UJQUIZTAN CWITASA

⁴²Nekztan Jesusaqui tjaajinchiča, tuž cjican:

—Wejtquiz criichi žoñinaca žejlča, humilde kuzziz cjiñi. Jakzilta žoñit nižta criichi žoñinaca ujquiz tjojtskatačhaja, jalla niiqui ana wali paača. Nii paañi žoñž jorquiz pajk tjaaj mokžcu, koz kotquiz jacuntiz waquiziča. Jalla nižta tsjan cusaž cjesača nii žoñžtaqui.

⁴³Am kjarat ujquiz tjojtskatz pecčhaj niiqui, pootzna. Infieruquin pizc kjarchiz ojczqui, nii ana waliž cjesača. Juc'anti cusaž cjesača tsjii kjarchizkaz arajpachquin

luzqui. Infiernuquin ujqui wira ana tjesnasača. ⁴⁴Infiernuquiziqui žoñi lujlñi lak'unacami anaž ticznaquiča. Nii asñi ujqui anaž wira tjesnaquiča.

⁴⁵Nižaza am kjojchat ujquiz tjojskatz pecčhaj niqii, pootzna. Infiernuquin pizc kjojchchiz Yooz cuchnasaž niqii, ana waliž cjesača. Juc'anti cusaž cjesača tsjii kjojchchizkaz arajpachquin ojkszqui. Infiernuquin ujqui wira ana tjesnasača.

⁴⁶Infiernuquiziqui žoñi lujlñi lak'unacami anaž ticznaquiča. Nii asñi ujqui ana wira tjesnaquiča. ⁴⁷Am čhujquit ujquiz tjojskatz pecčhaj niqii, leczna. Infiernuquin pizc čhujcchiz Yooz cuchnasaž niqii, ana waliž cjesača. Juc'anti cusaž cjesača tsjii čhujcchizkaz arajpachquin ojkszqui. ⁴⁸Infiernuquiziqui žoñi lujlñi lak'unacami anaž ticznaquiča. Nii asñi ujqui ana wira tjesnaquiča.

⁴⁹Tjapa žoñinacaqui ujžtan tjacžtaž cjequiča. Zapa wilananacaqui yawčžtan tjacžtapanča, jalla nižta. ⁵⁰Yacuqui zumača. ¿Yacuž lak'anznasaž niqii, kjažt wilta ch'uyi cjisnasa? Yawcchizpanž ančhuc želaquiča. Porapat zumaž kamaquiča.

JALJTIZ PUNTU

10 ¹Nekztan Jesusaqui Capernaum wajtquiztan ulanžcu, Judea yokquin ojčkiča; nižaza Jordán cjita puž najwctuñtan ojčkiča. Nicju muzpa žoñinacaqui wilta ajcsiča. Nekztan Jesusaqui wilta tjajinchiča, jaknužt tjajiñitažlaj, nii. ²Fariseo žoñinacaqui tjonchiča, Jesusa ujquiz tjojskatzjapa. Nekztan pewcziča, tuž cjican:

—¿Učhum liiqui kjažt cjeejo? ¿Tsjii luctakaqui persun tjunatan jaljtiz waquizasaya? Tjaajnalla.

³Jesusaqui ninacžquiz pewcziča: —¿Moisés cjita žoñiqui, jaknužt ančhucaquiz mantichiya?

⁴Nekztan ninacaqui kjaaziča: —Moisesaqui tuž mantichiča, “Tsjii luctakaqui certificado de divorcio tjaasača tjunatan jaljtizjapa. Nekztan jaljtasača.”

⁵Nekztanaqui Jesusaqui chiižinchiča:

—Ančhuca chojru kuzziz cjen nuž mantitatača. ⁶Niiž tuquiqui ana nižta mantitatača. Tuqui timpuqui Yoozqui tjappacha paacan, žoñi paachiča luctaka maataka. ⁷“Nižtiqiztan žoñiqui maa ejpžquiztan zarakaquiča, tjunatan kamzjapa. ⁸Nekztan nii lucutiñi žoñiqui tsjiikaz cjissa”. Anaž iya pucultan žoñi, pero tsjiikazza. ⁹Yoozqui tsjii lucutiñi cjiskatchiča. Nekztan lucutiñi žoñiqui anapan jaljtiz waquiziča.

¹⁰Wiruñaquei niiž tjajinta žoñinacaqui kjuyquiz Jesusa jamazit pewcziča nii jaljtiz puntuquiztan.

¹¹Jesusaqui kjaaziča:

—Jakzilta žoñit tjunatan jaljtizcu yekja maatakatan zalžaj niqii, ujž paača, tuquita tjuna quintra. ¹²Nižaza jakzilta žont persun luctakžtan jaljtizcu, yekja luctakžtan zalžaj niqii, ujkazak paača, tuquita lucž quintra.

JESUSAQUI OCJALANACA K'AACHIČA

¹³Tsjii noož žoñinacaqui Jesusižquin ocjalanaca zjiččiča, kjaržtan lanznajo. Nuž zjičcan Jesusiž tjajintanacaqui nii ocjala chjaawjčiča. ¹⁴Nižta chjaawjñi nayžcu Jesusaqui žawjčiča. Nekztan tjajinta žoñinacžquiz chiižinchiča, tuž cjican:

—Tii ocjalanacaqui wejtquiz tjonaj cjee. Anaž chjaajwa. Tii ocjalanacž

kuzziz irata, jalla nižta žoñinacača Yooz wajtchiz žoñinacaqui. ¹⁵Ultim weraral chiyučha, ocjalanacaqui maa ejpž mantitanaca cazza. Jalla nižta irata žoñinacaqui Yooz mantitanaca caz waquiziča. Ana cazaquiž niiquei, wira ana Yooz wajtchiz žoñinaca cjequiča.

¹⁶Nekztan Jesusaqui ocjalanaca žcojžrcu k'aachichiča. Zapa maynižquiz kjaržtan lanžcu: —Yooz am wintijla, —cjichiča.

RICACH ŽOÑIŽ QUINTU

¹⁷Nekztanaqui žoñinacžquiztan Jesusaž zaraktan tsjii žoñiqui zati pariju tjonchiča, nii yujcquiz quillslaki. Nii žoñiqui cjichiča:

—Tjaajiñi Maestro, zumamž amqui. Yooztan wiñaya kamzjapaqui, žčhjul zumanacat wejr paasaya?

¹⁸Jesusaqui kjaaziča:

—žKjažtiquiztan, “Zumamž amqui”, cjeejo? Anaž jec žoñimi zumaqui, Yoozpankazza zumaqui. ¹⁹Amqui Yooz mantitanaca zizñamča: “Anača adulteriuquiz ojklazqu. Anača conzqui. Anača tjañi cjisqui. Anača toscara chiizqui. Anača incallzqui. Am maa ejpča rispitzqui”.

²⁰Nii žoñiqui kjaaziča:

—Tjaajiñi Maestro, koltallquiztanpacha tjapa tinaca caziñča.

²¹Jesusaqui nii žoñž kjutñi cherziča, k'aachtican. Nekztan cjichiča:

—Tsjii cusasa pjaltiča amtaqui. Tjappacha am čhultaki žejlñinaca tuyzna. Poris žoñinacžquiz nii paaz ona. Oka jaziqui. Nekztan am arajpachquin juc'anti ricachum cjequiča. Nuž paažcu wejtquin tjona. Sufrijsapa listu cjee. Nekztan wejtan chica ojklayñi cjequiča.

²²Walja ricachutača nii žoñiqui. Nekztan nii chiitiquiztan ancha upa kuz cjissiča. Llaquita ojkiča.

²³Nekztan Jesusaqui tjapa kjutñi chercherziča. Nekztan tjaajintanacžquiz paljaychiča, tuž cjican:

—iRicachunacžtaqui walja ch'amača Yooz wajtchiz žoñinaca cjisqui!

²⁴Niiž tjaajintanacaqui Jesusaž chiitiquiztan ancha tsucchiča. Nekztanaqui Jesusaqui wilta paljaychiča, tuž cjican:

—Jilanaca. iJakzilta žoñit tii wir cusasanacquiz kuz tjaačhaja, jalla ninacžtaqui walja ch'amača Yooz wajtchiz žoñinaca cjisqui! ²⁵Tsjii camello cjita animala žejlča. Nii camelluqui ch'aman acuj cjuñquiz luzasača. Ricachunacazti tsjan ch'aman Yooz wajtquiz luzasača, Yooz mantita žoñinaca cjisjapa.

²⁶Nii chiitiquiztan tjaajinta žoñinacaqui juc'anti tsucchiča.

—žJequit liwriita cjesajo? —cjican, pewcsassiča.

²⁷Jesusaqui ninacžquiz cherziča. Nekztanac cjichiča:

—Žoñiqui anaž persunpacha liwrii atasacha. Yoozpankazza liwriiñiqui. Yoozqui jecmi liwrii atasacha.

²⁸Nekztan Pedruqui Jesusižquiz paljaychiča:

—Nonžna. Wejrnacqui tjappacha ecchinča, amtan chica ojklazjapaqui.

²⁹Nekztan Jesusaqui cjichiča:

—Weraral ančhucaquiz cjiwča. Jakzilta žoñit Yooz tawk laycu wejt laycu kjuya, jilanaca, cullacanaca, maa, ejp, maatinaca, zkalanaca, jalla ninaca ecačhaj niiquei, ³⁰tii muntuquiz kjuyanaca, jilanaca, cullacanaca, maanaca, maatinaca, zkalanaca, nižtanaca patac wiltaž ninacžtajapa želaquiča. Pero chjaawjta iñartazaž cjequiča. Jalla nuž cjenami, arajpachquin wiñaya Yooztan zuma kamaquiča. ³¹Walja anzic tucquin

žoŋinacaqui wirquin cjisnaquiĉha ultimquiziqui. Niżaza walja anzic wirquin žoŋinacaqui tucquin cjisnaquiĉha ultimquiziqui.

JESUSAQUI NIŽ TICZ MAZINCHIĉHA

³²Nekztan Jesusaqui Jerusalén cjita wajtquin okatĉha tjaajintanacĉtan. Jesusaĉha ninacĉ tuqui ojkciqui. Nii tjaajinta žoŋinacaqui tsucchi okatĉha. Nii parti apžŋinacaqui eksan okatĉha. Nekztanac Jesusac niž tuncapan tjaajintanaca kjawŹcu, tsjii kjutŋi ĉhjtichĉha. Nekztan jaknužt nižquiz wataĉhaja jalla nii mazinchiĉha.

³³Jesusaqui cĵichiĉha:

—Nonžna. Wejrqui tsewtan cuchanžquita Yooz Žoŋtĉha. Jerusalén watjaž ojkcĉha uĉhumqui. Jalla nii wajtquin tarazuna paatal cjeeĉha. Timlu jilirinacžquiz niżaza judfo tjaajiŋinacžquiz tantal cjeeĉha. Nekztan ninacaqui, “Ticžla tiiqui”, cjequičha. Nekztan yekja wajtĉhiz žoŋinacžquiz intirjital cjeeĉha.

³⁴Nekztan wejr munu paatal cjeeĉha. Llawsižtan tjujttal cjeeĉha. Wajjttal cjeeĉha. Ultimquiziqui contal cjeeĉha. Nekztan ticžcuqui ĉhjep majquiztanac jacatataĉha.

JACOBŽTAN JUANŽTAN

³⁵Nekztanaqui Zebedeož majchnacaqui Jacobžtan Juanžtan Jesusižquin macjatchiĉha tuž cjican:

—Tjaajiŋi Maestro, ĉhjulut amquiztan pecuĉhaj niiqui, tjaalla.

³⁶Jesusaqui pewcziĉha:

—ĉĈjuluž pecya?

³⁷Nii pucultan žoŋiŋi kjaaziĉha:

Ĉhjuloram am tjaappacha mantaĉhaj niiqui, wejrnac julskatalla, tsjiiqui žew kjuttan, tsjiiqui zkar kjuttan.

³⁸Nekztan Jesusaqui cĵichiĉha:

—Anĉhucqui tii mayta ana intintichiŋhucĉha. Wejrqui tsjii wasu licznaĉha. Niżaza tsjii bautismo bautista cjeeĉha. ĉJalla nižtapacha anĉhuc sufri atasajo?

³⁹Ninacaqui kjaaziĉha:

—Atasaĉhay.

Nekztan Jesusaqui cĵichiĉha:

—Wejr irata anĉhucqui tsjii wasu licznaquiĉha. Niżaza tsjii bautismo bautista cjequičha. ⁴⁰Pero žewquiztan niżaza zkarquiztan julznaj cĵiĉhaj niiqui, wejr ana nii atasaĉha. Jakziltižtažlaj nii julz tjacžta niiqui, ninacžtaž cjequičha.

⁴¹Nekztan nii parti tunca tjaajintanacaqui nuž nonžcu, žawjchiĉha Jacobuž niżaza Juanž kjutŋi. ⁴²Nekztan Jesusaqui tjaajinta žoŋinaca kjawziĉha, tuž cjican:

—Anĉhucqui zizza. Tsjii nacionž ĉhawjc jiliriqui nacion nužpachaž ĉazkatĉha. Tsjii c'ari patrunažtakaz cĵissa jilirinacaqui. Jilirinacaqui tjapa žoŋinaca rispitskatĉha. ⁴³Anĉhuczi anaĉha niža cĵisqui. Jakziltat anĉhucaquiztan juc'ant chekan žoŋi cĵis pecĉhaj niiqui, partinacž piyuna cĵis waquiziĉha. ⁴⁴Jakziltat anĉhucaquiztan ancha tucquin cĵis pecĉhaj niiqui, tjapa žoŋinacž mantuquizpanž cĵis waquiziĉha. ⁴⁵Jalla nižtijapa wejr tjonchinĉha. Tsewtan cuchanžquita Yooz Žoŋtĉha. Pero ana žoŋiž sirwita cĵisjapa tjonchinĉha. Antiz žoŋinaca sirwisjapa tjonchinĉha. Žoŋinacž cuntiquiztan ticzjapami, žoŋinaca liwriizjapami, nijapa tjonchinĉha wejrqui.

ZUR ŽOŇI ĈHJETINTA

⁴⁶Nekztan Jesusaqui Jericoquiztan ulanžquichiĉha tjaajinta žoŋinacžtanami tama žoŋinacžtanami. Jicz latuquiz tsjii zur žoŋi julzi želatĉha,

tomangžcan. Bartimeo cjitatača, Timeož majch. ⁴⁷Nii Nazaret wajtchiz Jesusa macjatžquiñi nayžcu, nii zur žoñiqui kjawchiča, tuž cjan:

—iJesusa, Davidž Majchimča! iWejr okžnalla!

⁴⁸Nekztan žoñinacaqui nii zur žoñi ujsiča:

—iCh'uj žela! —cjan.

Nekztan nii zur žoñiqui juc'anti kjawchiča:

—iDavidž Majch, wejrpanž okžnalla!

⁴⁹Nekztan Jesusaqui tsijtsiča.

—Nii žoñi kjawžca, —cjichiča.

Žoñinacaqui nii zur žoñi kjawziča, tuž cjan:

—Tsijsna. Zuti cjee. Jesusaž am kjawža.

⁵⁰Nekztan niž zquti cujtžcu, tjojtichiča. Jesusižquin macjatchiča.

⁵¹Nekztan Jesusaqui nii žoñi

pewczyča:

—čĤjulum pecya? čKjažum wejr paljay-ya?

Nii zur žoñiqui kjaaziča:

—Tjaajiñi Maestro, ancha zurtča wejrqui. Chertz pecuča.

⁵²Jesusaqui cjichiča:

—Am tjapa kuztan cjen žejtchamča. Jazic oka.

Nii orapacha nii žoñž čĤujquiqui cjetsiča. Chernoñi cjissiča. Nekztan Jesusaž okan nii žoñiqui apziča.

JESUSAQUI JERUSALEN WATJA LUZZIČA

11 ¹Nekztanaqui pizc wajtquin irantichiča Tsjiiqui Betfagé cjetača, tsjiiqui Betania cjita. Jerusalén wajtž žcatillatača, Olivos cjita cur zanquiz. Jesusaqui tsjii pucultan tjaažinta žoñinaca tuqui cuchanchiča, ²tuž cjan:

—Jerusalén watja oka. Irantižcu tsjii mokžta aznu cheraquiča. Nii aznuqui

ana zinta žoñiž yawztača. Jalla nii aznu jweržcu wejtquin zjijcaquiča.

³Yekjap žoñiž pewcznanaqui, “čKjažtiqiztan nižta paa?” cjenaqui, ančhucqui tuž kjaaznaquiča, “Chawjc jiliriz pecča”, cjan. “Upaquiztan tii aznuc tjepuntaž cjequiča”.

⁴Nekztan nii pucultanaqui ojkičiča.

Tsjii aznu cherchiča, kjuy zanquiz mokžta; callquiztača. Nekztan

ninacaqui aznu jwersiča. ⁵Yekjap nekz žejlñi žoñinacaqui pewczyča:

—čKjažtiqiztan ančhuc nii aznu jwerjo?

⁶Jesusiž chiitacama kjaaziča.

Nužquiz nii žoñinacaqui cutziča.

⁷Jesusižquin nii aznu zjijcchiča.

Nekztan zquitinaca carunsiča, Jesusiž

yawzjapa. ⁸Yekjap žoñinacaqui

ch'ojña ramuzanaca pootžcu, nii

jiczquiz chjinchiča. Zquitinaca

chjinchizakazza. Nuž paachiča

rispitsjapa.

⁹Jesusiž tucquin ojkiñi žoñinacami

Jesusiž wirquin apžñi žoñinacami

tjappacha wiwchiča, tuž cjan:

—iViva tii Yooz tjuuquiz tjonchi žoñi!

iYooz wintijla! ¹⁰iTiž mantaquiča,

učhum tuquita žoñiča David cjita,

jalla nižta! iYooz wintijla! iViva učhum

Yooz!

¹¹Jalla nužu Jesusaqui Jerusalén

watja luzziča. Nižaza timpluquiz

luzziča. Tjapa kjutñi chercherchiča.

Nekztan tjuñiž zeziz cjen Betania

cjita wajtquin ojkičiča niž tuncapan

tjaajinta žoñinacžtan.

ANA FRUTCHIZ MUNTI

¹²Jakatažuqui Jesusaqui Betania

wajtquiztan ulanžcan, čĤjeri

eecskatchiča. ¹³Ažquiztan higuer

munti cherchiča, ch'ojña chjañchiz. Nii

munti chertzñi ojkičiča, “Frutaj žejlž”,

cjan. Nii munti irantan, chjañikaz

želatĉha. Anataĉha frut timpu. ¹⁴Nekztan Jesusaqui nii muntiz quintra chiichiĉha:

—Tii muntiquiztan anaĉ jecmi iya fruta lulaquiĉha.

Niiz tjaajintanacaqui nii chiita nonziĉha.

JESUSAQUI TIMPLU PEWZIĉHA

¹⁵Nekztan Jesusaqui niiz tjaajinta žoĥinacĉtan Jerusalĕn watja irantiĉcu timpluquiz luzziĉha. Nekztan timpluquiztan zawncĉhuc liwj tuyĥi žoĥinacami kjayĥi žoĥinacami tjirkatchiĉha. Paaz campiiĥi žoĥinacĉ mizami paloma tuyĥiž zillami k'ala pjokžinchiĉha. ¹⁶Jesusaqui nii timplu patiuran kužĥi žoĥinaca k'ala jarq'uichiĉha. ¹⁷Nekztanac chiižinchiĉha, tuž cjican:

—Cjijrta Yooz takuqui tuž cjiĉha: “Wejt kjuyaĉha Yooztan parlis kjuyaqui. Jakzilta žoĥimi Yooztan parlasaĉha tekziqi.” Anĉhucqui tii timplu tjangz kjuyažtakaz paachinĉhucĉha.

¹⁸Nekztan timplu chawjc jilirinacaqui judio lli tjaajiĥinacaqui nii quintu zizcu parlichiĉha:

—ĉJaknužt tii Jesusa conas? —cjican.

Tjapa žoĥinacazti Jesusiž tjaajintiquiztan ispanchiĉha:

—Ancha cusala, —cjican.

Nižtiquiztan nii quintr žoĥinacaqui Jesusižquiztan eksĥitaĉha. ¹⁹Tjuĥiž kattan Jesusaqui wajtquiztan ulanchiĉha niiz tjaajinta žoĥinacĉtan.

ANA FRUTCHIZ MUNTQUI KJOŇCHIĉHA

²⁰Jakawenžažuqui nii higuer cjita munti wilta watchiĉha. Waaa, kjoĥi cherciĉha, žep'anacžquiztanpacha.

²¹Pedruqui Jesusiž tuquita chiita taku cjuĥižcu cjichiĉha:

—Tjaajiĥi Maestro, cheržca. Amqui tii muntiz quintra chiichamĉha. Jaziqi kjoĥiĉha.

²²Jesusaqui kjaaziĉha:

—Yoozquiz tjapa kuztan cjee.

²³Weraral cjiwĉha, jakzilta žoĥit nii najwc curquiz, “Curu, tekztan zaraka. Pajk kotquiz luzca”, nuž cjican chiyasaž niiqui, nižtapachaž curu okasaĉha, ana paysnakasaž niiqui, tjapa kuztan cjesaž niiqui. ²⁴Jaziqi anĉhucaquiz chiyuĉha, ĉjulumi Yoozquiztan mayizaquiz niiqui, tjaataž cjequiĉha, Yoozquin tjapa kuztanž cjee. ²⁵Nižaza anĉhucqui ĉjulorat Yoozquiztan mayisaja, nii orac anĉhuca quintra žoĥinacž uj pertunaquiĉha. Nekztan anĉhuca Yooz Ejpqui anĉhuca ujmi zakaz pertunaquiĉha. ²⁶Anĉhucqui ana žoĥiž uj pertunasaž niiqui, nižaza arajpach Yooz Ejpqui anĉhuca ujnaca anazakaz pertunasaĉha.

ĉJECT JESUSIŽQUIZ MANTICHI?

²⁷Nekztanaqui Jesusaqui Jerusalĕn watja wilta quejpchiĉha niiz tjaajinta žoĥinacĉtan. Jesusaž timpluran ojklayan timplu jilirinacĉtanami lli tjaajiĥinacĉtanami wajt jilirinacĉtanami jalla ninacaqui Jesusižquin tjonchiĉha. ²⁸Nekztan pewcziĉha:

—ĉJect jilirit am mantichi, tii paazjapajo? ĉJec jilirit am utchi jilirižtakaz paazjapajo?

²⁹Jesusac nekztan kjaaziĉha:

—Wejrm jazic anĉhucaquiz zakal pewcznaĉha. Anĉhucaž kjaaztan, wejrm zakal anĉhucaž pewcžtac kjaaznaĉha, jec jilirit wejrm utchi, nii. ³⁰Tiil pewcznaĉha anĉhucaquiz. ĉJect Juan mantichi, bautisjapajo? Yoozkaya už žoĥej. Jaziĉ kjaazna.

³¹Nekztanac ninacpora ancha ch'aasi kallantichiĉha, tuž cjican:

—ĉKjažum kjaaznaquejo? “Yooz mantitaĉha”, cjequiz niiqui, nekztan “ĉKjažtiquiztan anĉhuc nii Juan ana

criichinčhuctajo?” nuž cječhan tiicni.

³²Učhumqui anapanča chiyl atasača, “Žoñiž mantitacha”, cjican.

Žoñinacaqui walja nii Juanžquin rispittiquiztan, cjichiča:

—Werara Yooz taku parliñi profetača Juanqui.

Nižtiquiztan nii jilirinacaqui žoñinaca eksk, ³³ana kjaazñi atchiča. Ninacaqui chiichiča:

—¿Jaknužukazlan? Nekztanac Jesusac cjichiča:

—Nižaza wejr ana zakal maznasača, jec jilirit wejr utchi, nii.

ANA ZUM PIYUNANACŽ QUINTU

12 ¹Nekztan Jesusaqui tsjii quintu paljayichiča, tuž cjican:

—Tsji žoñi želatča, patruna. Nii žoñiqui uwaz zkala čhjaczhiča. Nekztan pajk uyu pirkichiča nii zkali muytata. Nižaza maz ojt paachiča, uwaz kjaz spijitjapa. Nekztan campanturi cherchi torre pirkichiča, zkala itzjapa.

‘Nekztan nii patrunaqui zkala partira tjaachiča piyunanaczquiz. Nekztan ažkquin ojkchiča. ²Nekztanaqui zkala ricujz timpuž tjontan nii patrunaqui tsjii piyuna cuchanžquichiča, niž partir zkala ricujzjapa. ³Nii partira tanzñi žoñinacaqui patrunaž cuchanžquita piyuna tanžcu kijtchiča. Wjajtchiča. Ana čjulchiz cuchanchiča patrunžquin. ⁴Nekztan nii patrunaqui tsjižtan wilta cuchanžquichiča. Nii partira tanzñi žoñinacaqui nii patrunž piyuna maztan čhajcechiča. Achquiz chjojritchiča. Čjaawjkatchiča.

⁵Nekztan nii patrunaqui wilta tsjii piyuna cuchanžquichiča. Čjep wiltiquiziqui piyuna conchiča. Nižta anawali paachiča tsjii kjaž cuchanta piyunanaczquiz. Partiqui wjajttatača. Partiqui contatača.

⁶Iya tsjii želatča nii patrunž k'ay majch. Ultimquiziqui nii patrunaqui k'ay majch cuchanžquichiča, “Wejt majch rispitta cjequičha”, cjican. ⁷Nii partira tanzñi žoñinacazti ninacpora parlasiča tuž cjican, “Tsji nooj tii majchqui ejpž irinsa tanznasača. Tii zkali yokanaca k'alaž ricujasača. Ojklay tiž conla. Nekztan tsjii nooj učumnacaltaž tjappacha tii zkali yokanaca cjequič, jalla”. ⁸Nekztanaqui nii majch tanžcu conchiča. Nekztan nii yokquiztan niž ticzi curpu jwescu, tjojtchiča.

⁹Nekztan Jesusaqui pewczica:

—¿Nii uwaz zkalciz patrunaqui, čhjulut paačhaja? Wejr cjiwcha, nii patrunaqui tjonaquičha. Nekztan nii partira tanzñi žoñinaca conaquiča. Nekztan niž uwaz zkali yokanaca yekjanaczquiz tjaquičha.

¹⁰Ančhucqui Yooz taku liichinčhucča, čana jaa? Tsji Yooz takuqui tuž cjiča:

“Kjuy pirkiñinacaqui tsjii maz tjojtchiča. Nii tjojta mazqui isquinquiz cjissiča. Ultimquiziqui tucquin cjissiča. ¹¹Yoozqui nuž cjiskatchiča. Nii cheržcu ancha ispantichinčhumča”.

Nuž cjiča cijrta Yooz takuqui.

¹²Nekztanaqui nii quintri žoñinacaqui Jesusa tanz pecatča: —Tii quintu wejtnaca quintraž, —cjican.

Nekztan nii žejlñi žoñinaca eksk, quintri žoñinacaqui Jesusa ecchiča, ana kjaž cjiscu. Nužquiz ojkchiča.

TASA TJAAZ PUNTU

¹³Yekjap fariseo žoñinacaqui Herodes žoñinacztan cuchanžquitatača, Jesusa pewczñi. Niž čhiitiquiztan tsjii anazum taku jwes pecatča. ¹⁴Jaziqui cjichiča:

—Tjaajiñi Maestro, zizuž wejrnacqui, am werarapan chiiñamčha, žoñinacaz am quintra chiichiž cjenami. Nižaza am taku anaj tsjii tsjii chiichila žoñinacaz laycu. Yooztan kamz puntuquiztan werarapan tjaajiñamčha. Jazic tjaajznalla tii puntu. Wejrnacqui César cjita jiliržquiz tas paaz tjaayinčha. ¿Nuž walikazkay už anaž wali cjesaj? ¿Nii tas paaz tjaaz waquizasaya, už anaž waquizasaj, jaa?

¹⁵Jesusaqui ninaca pizc kuzziz zizatčha. Nekztan kjaazičha:

—¿Kjažtiquiztan ančhucqui wejr ujchiz jwes pecjo? Tsjii paaz zjijca, chertzjapa.

¹⁶Tsjii paaz zjijcchičha. Nekztan Jesusac pewczičha:

—¿Tii paazquiz, jecz yujctaya? ¿Jecz tjuu cjiirtataya?

Ninacaqui kjaazičha:

—César cjita jilirž tjuučha. Niiž yujcčha niiqui.

¹⁷Nekztan Jesusaqui chiichičha.

—Čhjulumi jiliržta cjenauqui jiliržquiz tjaa. Nižaza čhjulumi Yoozta cjenauqui Yoozquiz tjaa.

Nuž čhiitiquiztan ninacaqui ancha ispantichičha.

JACATATZ PUNTU

¹⁸Nekztan yekjap saduceo žoñinacaqui Jesusa chertzni ojkcchičha. Jacatatz puntu ana criiñpantačha. Jesusižquin macjatžcu pewczičha:

¹⁹—Tjaajiñi Maestro, Moisesaqui učhumnacalta cjiirrtkalčha, tuž cjican: “Tsjii žoñi ticznasaž niiqui, niiz tjun ana ocjalchiz cjesaž niiqui, nekztan nii ticzi žoñž jilaqui naa žewatan zals waquizičha, nii ticzi jilž cuntiquiztan ocjala paazjapa”. ²⁰Jaziqui pakallak jilazullca želatčha. Nii jilir jilaqui zalsičha. Nekztan ticzičha ana ocjalchiz. ²¹Nekztan tsjii taypir jilaqui

naa žewatan zalsizakazza. Nekztan ana ocjalchiz ticizakazza. Nekztan yekja taypir jilaqui naa žewatan zalsizakazza. Nekztan ana ocjalchiz ticizakazza. ²²Tjappach nii pakallak jilazullcanacaqui naa žonatan zalsičha. Nekztan tjappacha ana ocjalchiz ticzičha. Ultimquiziqui naa žonqui ticzinčha. ²³Jaziqui žoñinaca jacatattanaqui wilta žeti tantanaqui ¿jakzilta jilž tjun naa žon cjequejo? Pakallakuqui naa žonatan zalsičha.

²⁴Jesusaqui kjaazičha:

—Ančhuca takuqui tsjii kjutñi chiyiñčhucpančha. Ančhucqui Yooz takumi Yooz azimi anapan zizza. ²⁵Ticzi žoñinacaz jacatattanaqui anaž zals želaquičha. Anaž tjoťowami turtakanacami zalznaquičha. Arajpach anjilanaca irataž kamaquičha.

²⁶Jacatatz puntuquiztan Moisesaqui liwruquiz cjiirrtkalčha. Liichinčhucčha, čana jaa? Tsjii ujsni kalquiztan Yoozqui Moisesquiz paljaychičha, tuž cjican: “Abrahamž Yooztčha wejrtčha. Nižaza Isaacž Yooztčha, nižaza Jacobž Yooztčha”. ²⁷Yooz Ejppqui anačha ticzi žoñž Yoozqui, žejtñi žoñž Yoozqui. Nižtiquiztan ančhuca takuqui ancha tsjii kjutñipankazza.

¿JAKZILTA YOOZ MANTITAT CHEKANAQUI?

²⁸Nekztanaqui žoñinacžtan Jesusižtan ch'aasni nonžcu tsjii judiuž lii tjaajiñi žoñiqui macjatžquichičha. Jesusaž zuma kjaaztiquiztan nii žoñiqui pewczizakazza, tuž cjican:

—¿Jakzilta Yooz mantitat chekanaqui?

²⁹Jesusaqui kjaazičha:

—Tii Yooz mantitačha chekanaqui: “Nonžna ančhucqui, Israeli wajtchiz žoñinaca. Tsjan chawjc jiliričha učhum Yoozqui. Ana iya yekja

Yooz žejlča. Yoozqui Jiliripanča.

³⁰Ančhucqui tii ančuca Yoozquiz tjapa kuztan sirwaquiča, nižaza tjapa animužtanami, nižaza tjapa pinsamintužtanami, nižaza tjapa aztanami”. Jalla nii Yooz mantitača chekanaqui. ³¹Nižtazakaz nii jaru tii Yooz mantitac žejlča. Tuž cjiča: “Jaknužum persunpachquiz okzñamžlaja, jalla nižta okzñi kuzziz cjistanča žoñinacžquizimi, lijitum mazižtakaz”. Tii pizc mantitanacača juc'ant chekanaqui čjul mantitanacquiztanami.

³²Nekztan nii judío tjaajiñiqui cjičiča:

—Tjaajiñi Maestro, werara chiichamča. Am chiitaqui cusača. Tsjii Yoozpankaz žejlča; ana iya želasača. ³³Tii Yoozquiz sirwispanž waquizila, tjapa kuztan, nižaza tjapa animužtan, nižaza tjapa pinsamintužtan nižaza tjapa aztan. Nii jaruqui jaknužum persunpachquiz okzñamžlaja, jalla nižta okzñi kuzziz cjistanča žoñinacžquizimi, lijitum mazižtakaz. Yoozquin ujta wilana puntum mantitami nižaza ofrenda tjaaz mantitami jalla nii mantitanacžquiztan tii pizc Yooz mantitanacača juc'ant chekanaqui.

³⁴Nii judío tjaajiñi žoñiqui zuma intintazzi razunchiz chiichiča. Nižta nayžcu Jesusaqui chiichiča:

—Amqui Yooztan kamz jicz cježullača, Yooz mantita žoñi cjisjapa.

Nekztan žoñinacaqui iya pecunchi Jesusižquiz pewczñi anaž atatča.

¿CRISTUQUI JECŽ MAJCHTATA?

³⁵Jaziqui Jesusaqui timpluquiz tjaajincan, cjičiča:

—Nii judío tjaajiñinacaqui tuž cjiča: “Davidž majchkazza Cristuqui”. ¿Kjažtiquiztan nuž cjeejo? ³⁶Arajpach

Yooz Espirituqui David chiikatchiča, tuž cjan:

“Yooz Ejpqui wejt chawjc jiliržquiz cjičiča: ‘Tsji ora wejrqui am kjojch koztan am quintri žoñinaca t'okskatača. Nii oracama wejt žew latu julzna’ ”.

³⁷Jaziqui Davidaqui persunpacha cjičiča: “Chawjc jiliriča tiiqui”. ¿Nižtiquiztan jaknužt niž chawjc jiliri niž majchqui cjesajo? —Nuž cjičiča Jesusaqui.

Nii tama žejlñi žoñinacaqui Jesusiž taku nonz jutztazziča.

JUDIO LII TJAAJIÑINACA

³⁸Nižaza tjaajincan Jesusaqui cjičiča:

—Judío lii tjaajiñinacžquiztan cwitazaquiča. Ninacac tol zquitichiz ojklazj jutztazniča. Ninacaqui palazquiz tsaanskatzmi rispitskatzmi jalla niika pecniča. ³⁹Ninacaqui ajcz kjuyquiz tucquin julz pecniča. Nižaza pjijstiquiz lujlcan ancha tucquin cjecis pecniča. ⁴⁰Ninacpacha žewžewanaca t'akjiri cjiskatniča. Nižaza žoñinaca incallzjapa ažka Yooztan parlitazoka cjiñiča. Jaziqui ninacaž juc'anti casticta cjequiča.

OFRENDA PUNTU

⁴¹Nekztan Jesusaqui ofrenda tjaaz cajun yujcquin julziča. Nekzi žoñinaca paaz uchan cherchiča. Yekjap ricachunacaqui muzpa paaz utchiča. ⁴²Nekztan tsjaa poris žewqui tjonchinča. Pizc paazalla utchinča, koluculla. ⁴³Jalla nekztanaqui Jesusaqui niž tjaajinta žoñinacžquiz kjawziča. Nekztan intintiskatchiča:

—Weraral chiyuča, naa poris žewqui nii cajunquiz juc'anti utchinča, tjapa nii parti žoñinacžquiztan cjen. ⁴⁴Nii parti žoñinacaqui čjetinta paaz

utchiċha. Naa poris żewzti tjappacha naatan kamni paaz utchiċha.

JUDIO TIMPLUŻ PUNTU

13 ¹Nekztan timpluquiztan ulnan tsjii tjaajinta žoņiqui Jesusiżquiz paljayċiċha, tuż cjican: —Tjaajiņi Maestro, cherżca. Tii pajk maznacami tii pajk kjuyanacami ancha cusaċha.

²Jaziqwi Jesusaqui niizquiz ċhiċiċha:

—Tii pajk kjuyanaca cherċha amqui. Wejrqui cjiwċha, tsjii nooj ana zinta tii maznacaqui pirkita želaquiċha. Tjappacha pajltaż cjequiċha.

TII MUNTU TUCUZINZ PUNTU

³Nekztan Olivos cjita curu ojkċiċha, timpluż zanquiz. Nekzi Jesusac julzi želatċha; ana iya žoņi želatċha. Nekztan Pedrużtan, Jacobożtan, Juanżtan, Andrestan, ninacaqui Jesusiżquiz pewcziċha, tuż cjican:

⁴—Maznalla wejtnacaquiz. ĆĤjulatorat nii amiż ċhiita wataquejo? ĆIma amiż ċhiita watan, ċĤjulunacat wataquejo?

⁵Nekztan Jesusaqui kjaaziċha:

—Anċhucqui persunpachquiz cwitaza, anaċha jecżquizimi incallskata.

⁶Žoņinacaqui wejt tjuu aynakcanż tjonaquiċha, tuż cjican: “Wejrtċha Cristutqui”, Jalla nekztanaqui muzpa žoņinacaqui incallskataquiċha.

⁷Anċhucqui quintunaca nonznaquiċha, quira žejlz quintunaca, ċh'ajwa quintunaca. Nekztan anaċha tsucaquiċha anċhucqui. Niżtapanż wataquiċha. Tii muntu tucuzinzqui imaż irjatżquċiċha. ⁸Nacionporaż kichjasaquiċha. Wajtporaż kichjasaquiċha. Tjapa kċutni yokac ċĤjeknaquiċha. Mach'anaca želaquiċha. Žoņipora kichjasaquiċha. Ancha

žoņinaca t'akjsaquiċha tjapa kċutni. Sufrisnaca uzcakaż kallza. Wiruñac juċ'ant sufrisnaca želaquiċha.

⁹Anċhucqui persuna waljaż cwitazaquiċha. Žoņinacaqui anċhuc tanżcu jilirinacżquin ċĤjichaquiċha. Nekztan ajcz kjuyquiz wjajtażakaz cjequiċha anċhucqui. Weriż cjen ċhawjc jilirż yujċquizimi wajt jilirż yujċquizimi apantitaż cjequiċha. Nekztan wejt puntuquiztan ninacżquiz maznaquiċha anċhucqui. ¹⁰Ima tii muntuż tucuzan, Yooz takuqui tjapa nacionquin maz maztaż cjequiċha.

¹¹ĤĤjulatorat anċhucqui jilirżquiz apantita cjeċhaja, jalla nii ora anaċha eksnaquiċha, ċkjażt wejr ċjeequejo? —ċjicanaqui. Niżaza anaċha ancha ċĤjulu ċhiismi pinsaquiċha anċhucqui. Nii oraqui Yooz anċhucaquiz tjaajznaquiċha, ċĤjul takut ċhiyaċhaja, nii. Anċhuca persun pinsita inapankazza. Nii oraqui Yooz Espirituqui anċhucaquiz ċhiikataquiċha. ¹²Tsjii jilaqui persun jila tarasunaquiċha konkatżjapa. Ejpnacaqui persun maati tarasunaquiċha konkatżjapa. Maatinacami maa ejpż quindra tsijtsnaquiċha konkatżjapa. ¹³Anċhuc weriż cjen tjapa žoņinacaż ċĤjaawjtaż cjequiċha. Jakzilta žoņit ticzcama wejtquiz tjurt'aċhaja jalla niiqui liwriitaż cjequiċha.

¹⁴Daniel cjita Yooz taku parliņi profetaqui ċĤjirtkalċha, tuż cjican: “Tsjii nooj tsjii juċ'ant anawal akni žoņi želaquiċha”. Jakziquin niiqui ana žejlsalaja, niejuņ želaquiċha tii anawaliqui. ĤĤjulatorat anċhucqui niżta ċheraċhaja, nii ora ċurunacquin atipas waquiziċha tjapa Judea yokquin žejlņinacaqui. Liņi žoņiqui intintazla. ¹⁵Nii kjuy juntuņ žejlņi žoņinacaqui ċĤjijwżcu ana kjuya

luzla, čhjulumi chjichi jwesjapa.
¹⁶Nii zkalquin žejlñi žoñinacaqui ana kjuya quejpla, zquiti apti. ¹⁷Nii timpuquiziqui ic maatakanacami k'azllu wawchiz maatakanacami ancha t'akjiri cjequiča. ¹⁸Yoozquinča mayiza ančhucqui, anaj zak timpuquin tižtanacac tjonla, nii. ¹⁹Tii sufris timpu yekja sufrisnacquiztan juc'anti sufris cjequiča. Tuqui timpuqui Yoozqui tii muntu paachiča. Nekztan jecchuc anapanž tiža sufrisnacac watchiqui. Tekztan najwecchuc anaž iya juc'anti sufrisqui cjequiča. ²⁰Yoozqui anaž tii sufrisnaca tucuskataquiči niqiu, tjapa žoñinacaž ticznaquiča. Yoozqui niž illzta žoñinacž cjen tii sufrisnaca tucuskataquiča.

²¹Nižaza yekjap žoñinacaqui ančhucaquiz chiyaquiča: “Chera. Ticjuča Cristuqui”. Yekjapac chiyaquiča: “Nacjuča Cristuqui” cjican. Nuž chiichiž cjenami, anapanča nii taku criyaquiča ančhucqui. ²²Incallñi žoñinacaž tjonaquiča. Tsji incallñinacaqui: “Cristuča wejrqui”, cjequiča. Yekjapazti: “Yooz taku parliñtča wejrqui”, cjequiča. Ninacaqui walja ispantichuca milajrunacaž paaquiča, incallzjapa. Tjapa žoñinacaž incallz pecaquiča, Yooz illzta žoñinacami. ²³Ima tižtanacaž tjonan wejrqui ančhucaquiz mazinchiñča. Nižtiquiztan walja cwitazaquiča ančhucqui. Nižta kuzziz cjee.

¿JAKNUŽT CRISTUQUI TJONAQUI?

²⁴Nekztanaqui tii sufris timpu wattan, tjuñiqui zumaquiča. Nižaza jiizmi anaž iya kjanaquiča. ²⁵Warawanacami tsewctan tjojsnaquiča. Tseecu azziz žejlñinacaqui chjekinskattaž cjequiča. ²⁶Jalla nekztanaqui žoñinacaqui

tii tsewctan cuchanžquita Yooz Žoñiž cheraquiča. Wejrqui tsjir taypiquiz tjonača, walja aztan, ancha ispantichuca. ²⁷Nekztanaqui tjapa kjutñi nii arajpach Yooz anjilanacaqui cuchanta cjequiča, weriž illztanaca juntjapžcajo. Tjapa yok tjiyquiztanpacha tjapa arajpach tjiyquiztanpacha juntjapžtaž cjequiča.

²⁸Ančhucqui tii puntu zizaquiča higuera cjita muntiquiztan. Čhjulatorat nii muntiqui ch'ojñantis cjissaja, jalla nii ora waj kutunz timpu žcatiča. Nužupanž zizza ančhucqui. ²⁹Jalla nižtapacha tii weriž chiita watan, ančhucqui tuž zizaquiča; tii tsewctan cuchanžquita Yooz Žoñiqui wajillaž tjonaquiča, nii. Nižaza tii muntu tucuzinzqui žcatillača. ³⁰Weraral cjiwča, tjapa tii timpuquiz žejlñi žoñinacaqui ana ticznaquiča, ima tii weriž chiita watan. ³¹Arajpachami yokami tucuzazaquiča. Wejt takunacazti wiradž ana tucuzazaquiča. Nužupanž cumplisnaquiča.

³²Wejt tjonz tjuñimi wejt tjonz orami anaž jecmi zizasača, anaž nii arajpach Yooz anjilanacami, anaž Yooz majchmi. Yooz Ejp alajakaz zizza.

³³Ančhucqui, persuna naazna, cwitaza, Yoozquin mayiza. Čhjulatorat nii tjuñi tjonačhaja, nii ora ana zizza ančhucqui. ³⁴Jalla tii quintuž iratača wejt tjonz tjuñi. Tsji žoñiqui ažkquin ojcz tantiichiča. Ima niž kjuyquiztan zarakcan zapa mayni niž piyunanacžquiz langz tjaača. Kjuy cwiitiñi žoñžquiz zuma cwitajo mantiča. ³⁵Nekztan ojczcu, čhjulatorat nii kjuychiz žoñiqui quepačhaja, jalla nii ora, piyunanacaqui ana zizza, niit už zeztan tjonačhaja, niit už chica arama tjonačhaja, niit už kjantat ora tjonačhaja niit už wentan tjonačhaja. Čhjulatorat tjonačhaja, ninacaqui anaž

zizza. Nižtiquiztan piyunanacaqui listuž cjila. ³⁶Jalla nii irata ančhucqui listuž cjee. Tiripintit ančhucāž tĵajan tĵonasača. ³⁷Wejrqui ančhucquizimi tĵapa žoñinacžquizimi chiyuča, listupanča cjee.

¿JAKNUŽUM JESUSA TANAS?

14 ¹Puc majkaz pjaltiča pascu pjijztiquinaqui. Nii orazakaz yekja pjijztaqui kalltiznatča, ana liwaturchiz t'anta lujlz pjijzta. Jalla nii ora timplu jilirinacžtan judio tĵaajiñinacžtan palt'ichiča, tuž cjican:

—¿Jaknužum Jesusa incallžcu tanas?

Nižaza nuž tanžcu, Jesusa conzjapa kazziča.

²Ninacaqui tantižcu, cjichiča:

—Pjijztiquiz anaž tanz waquizasacha. Žoñinacaqui učhum quintraž cjisnasača.

JESUSIŽ ACHQUIZ ASIITI ALŽTA

³Jesusaqui Betania cjita wajtquiz želatča, Simonž kjuyquiz. Nii Simonaqui tuqitan mojkchi janchichiz žejlñitača. Nekzi lulan tsjaa maatak žonqui tsjii putillžtan tjonzinča. Nii putillquiz cusa mazk'a ulurchiz asiiti želatča, nardo cjita, ancha jila walurchiz. Nii putillaqui zuma alabastro cjita maztan paatatača. Nekztan naa maatak žonqui putilla kjolžcu Jesusiž achquiz asiiti alsinča. ⁴Yekjap nekž žejlñi žoñinacaqui žawjziča. Ninacpora palt'ichiča, tuž cjican:

—¿Kjažtiquiztan nii mazk'a ulurchiz asiiti pertejo? ⁵Naalaqui asiiti tuysalani quinsa patac denario cjita paazuñ. Nekztan nii paazqui poris žoñinacžquiz onansalani.

Naaža quintra chutchiča. ⁶Nekztan Jesusaqui chiichiča:

—¿Kjažtiquiztan taa žonatan chjiycisejo? Anača taa žon kjaž cjisqui.

Wejtquiziqui walika paachinča. ⁷Poris žoñinacami panž žejlča. Čhjulorami ninacžquiziqui yanapasacha. Wejrqui anal ančhucatan tira želača. ⁸Taa žonqui jaknužt payi atčhaja, nii paachinča. Ima wejt curpu tĵatan asiitižtan alsinča. ⁹Chekpacha weraral cjiwča, jaksiquinami tĵapa kjutñimi Yooz taku parlita cječhaja, jalla nicju taaža paata parlita cjequiča, taa maatak žon cjuñznajo.

JUDASQUI JESUSA TANKATZ PINSICHIČA

¹⁰Nekztanaqui Judas Iscariotiqui timplu jilirinacžquin palt'i ojkchiča. Jesusiž tuncapan tĵaajinta žoñinacžquiztantača Judasqui.

¹¹Judas taku nonžcu jilirinacaqui ancha chipchiča:

—Paaz tjaasacha, —cjican.

Nekztanaqui Judasqui tantiichiča, čhjulorat wali cječhaja, Jesusa tankatzjapa, nii.

PASCU ČHJERI LUJLCHIČA

¹²Pjijzta kallñi tjuñi, ana liwaturžtan t'anta lujlz pjijzta, nii tjuñi judio wajtchiz žoñinacaqui pascu uuza conñiča. Nii noojpacha tĵaajinta žoñinacaqui Jesusižquiz pewcziča:

—¿Jakziquin wejrnacqui ojkž waquiziya, pascu čhjeri luli tĵaczjapaya?

¹³Nekztan Jesusaqui pucultan tĵaajintanaca cuchanchiča, tuž cjican:

—Wajtquin oka. Nekzi tsjii žoñžtan zalaquiča kjaz luuz kužži. Nii žoñž wirquiz apznaquiča. ¹⁴Jakziquin nii žoñiqui luzačhaja, jalla nicju nii kjuychiz žoñžquiz paljayaquiča, tuž cjican: “Tĵaajiñiqui cjichiča: ¿Jakziquin wejt tĵaajintanacžtan pascu čhjeri lulasaya? ¿Jaknit nii kjuyajo?” ¹⁵Nekztan nii kjuychiz žoñiqui tseweta

pisuquin tsjii pajk kjuya tjeeznaquiċha anċhucaquiz. Nii kjuya listu tjaċċta cjequiċha. Jalla niċju uċhumqui ċhjeri kisaquiċha. —Nuž mantichiċha Jesusaqui.

¹⁶Nužquis nii pucultan tjaajintanacaqui zarakchiċha. Watja ojkchiċha. Jesusiž chiitacama nižtapacha watchiċha. Nekztanaqui pascu ċhjeri kissiċha.

¹⁷Tjuñiž kattan Jesusaqui tjonchiċha tuncapan tjaajintanaċċtan. ¹⁸Ċhjeri lujlcan Jesusaqui chiichiċha:

—Weraral cjiwċha, anċhucaquiztan tsjii wejtta lujlñiqui wejr tarazunaquiċha.

¹⁹Ninacaqui nužquiz llaquita cjissiċha. Nekztan ninacaqui Jesusižquiz pewcziċha. Tsjiiqui: —ĊWejr kay? —cjichiċha.

Tsjii:

—ĊWejr kay? —cjichizakazza.

²⁰Nekztanac Jesusac kjaaziċha:

—Tuncapaniž anċhucqui tsjiiqui wejr tarazunaquiċha. Anziqui niiċha wejtta chica ċhjeri lujlchi. ²¹Wejrqui tsewctan cuchanžquita Yooz Žoñtċha. Wejr okaċha, Yooz taku cjiirtacama. Jakziltat wejr tarazunaċhaja, jalla niiqui juc'anti castictaž cjequiċha. Nii tarazuñi žoñiqui anaj maa pjuchquiztan nastċhaj niiqui, juc'ant cusaž cjitasāċha.

²²Nekztanaqui ċhjeri lujlcan, Jesusaqui t'anta tanžcu Yoozquin gracias cjican chiichiċha. Nekztan t'anta kjolžcu, tjaajintanaċžquiz tojziċha, tuž cjican:

—Tanzna. Tii t'antaċha wejt curpu cuntaqui.

²³Nekztan tsjii wazu tanziċha. Yoozquin gracias cjican chiichizakazza. Nekztan ninacžquiz tjaatan, tjappacha ninacaqui nii wazquiztan licziċha.

²⁴Jesusaqui chiichiċha:

—Wejt ljocquiztan cjiċha tiiqui. Wejt ljocċtan tsjii ew acta tjułžta cjequiċha. Wejt ljocqui tjapa žoñinacž cuntiquiztan tjawktaž cjequiċha. ²⁵Weraral cjiwċha, uwas kjaz ana iya licaċha, ċhjulator Yooz tjapa mantaċhaja, jalla nii oracama.

PEDRUQUI JESUSA ANA PAJÑI TUCAQUIĊHA

²⁶Tsjii Yooz wirsu itscu ojkchiċha Olivos cjita curullquin. ²⁷Nekziqui Jesusaqui chiichiċha:

—Tii weenaqui tjapa anċhucqui ana wejtquin kuzziz tucacquiċha. Nižtapan cjiirta Yooz takuqui cjiċha:

“Wejr arajpach Yoozqui awatiri conaċha. Nekztan uuzanacaqui wichansnaquiċha”.

²⁸Jesusaqui cjichizakazza:

—Nekztan jacatatžcuqui anċhuca tuqui okjayaċha Galilea cjita yokquin

²⁹Nekztan Pedruqui chiichiċha:

—Tjappacha ana amquin kuzziz cjeċhani. Wejrqui ana wira nižta cjesaċha.

³⁰Jesusaqui kjaaziċha:

—Weraral cjiwċha, tii weenpacha amqui ana wejr pajñi tucacquiċha, Ima wallpaž pizc wiltaž kjawan, amqui ċhjep wilta wejr ana pajñim chiyaquiċha.

³¹Pedruqui juc'anti tjurt'ichiċha, tuž cjican:

—Wejrqui amtan chicami waztal ticznasaċha. Anapan amquiztanac zarakasaċha.

Tjapa nii tjaajintanacaqui nižtapacha tjurt'ichiċha.

JESUSAQUI YOOZTAN PARLICHİĊHA

³²Nekztan Getsemanċ cjita yokquin ojkchiċha. Niċju Jesusaqui niž tjaajinta žoñinacžquiz chiichiċha:

—Tekzi julzna. Wejrqui Yooztan parli okača.

³³Nekztan Pedružtan Jacobžtan Juanžtan chjtichiča. Jesusaqui walja llaquita kuzziz turwaysiča. ³⁴Niiž tjaajintanacžquiz paljayichiča:

—Wejt kuzqui ancha llaquita, ticzucača. Ančhucqui tekzi žela. Wilazaquiča; anača tjaajichiča.

³⁵Nekztan tsjii koluc tuquinalla ojkichiča Jesusaqui. Yokquizkaz tuzi t'okziča. Yoozquiztan mayizichiča, tuž cjican:

—Tii juc'ant sufris timpu anal wats pecuča. Tii sufrisquiztan liwrychucažlaj niiqui, amquič liwriyalla.

³⁶Tira maycan cjichiča:

—Yooz Ejp, amqui čjulumpipankam atasača. Tii sufrisnacquiztan liwriyalla. Pero anal wejt kuzcama paaz pecuča. Jaknužt am kuz amtičhaj niiqui, jalla nuž am munañpaj cjila.

³⁷Nekztanaqui tjaajintanacžquin quejpžquichiča. Tjajchi zalchiča. Nekztanaqui Jesusaqui Pedružquiz cjichiča:

—čSimona, amquim tjajya?

³⁸čAnam tsjii orami wilazi atya? Wilaza. Yoozquiztan mayiza, ana ujquiz tjojtzjapa. Ančhucqui ancha kuztanča. Pero ančuca curpužti anaž awantasača.

³⁹Nekztan Jesusaqui wilta Yooztan parli ojkichiča. Tuquiqui jaknužt parličhaja, nižtazaka parličiča. ⁴⁰Wilta tjaajintanacžquin quejpžquichiča. Wilta tjajchi zalchiča. Ancha tjaji atipskatchiča. Ninacaqui Jesusižquiz ana kjaazni atchiča. ⁴¹Jalla nekztan Jesusac čhjep wilta ojkžcu quejpžquichiča. Nekztan chiichiča:

—Jaziqui tjajčinčhucča, ančhucqui, nižaza jeejzinčhucča. Nužukaz.

Wejrqui tsewctan cuchanžquita Yooz Žoñtča. Wejrqui ujchiz žoñinacž kjarquiz tankattal cjeeča. Nii ora anziqiu irjatžquichiča. ⁴²Žaazna. Ojkla. Cheržna. Wejr tarazuñi žoñiqui nii nacjuž tjonča.

JESUSAQUI TANTATAČHA

⁴³Nii ora Jesusaž nuž chiyan, tsjiiqui tuncapan tjaajinta žoñinacžquiztan tjonchiča, Judas cjita. Tama žoñinacaqui Judastan tjonchiča pajk cuchillunacchiz, nižaza wjajtz carotinacchiz. Timplu chawjc jilirinacžtan judfo lii tjaajiñinacžtan wajt jilirinacžtan ninacaž cuchanžquita tjonchiča. ⁴⁴Tuquitan nii tankatni Judasqui kazziča Jesusa tankatzjapa. Nuž kazcu, cjichiča:

—Tsjii žoñil čjulznača. Niiž niic cjequiča. Nekztan zuma tanžcu chjichaquiča.

⁴⁵Nii ora Judasqui Jesusižquiz macjatchiča:

—Tjaajiñi Maestro, —cjican.

Nekztan nii čjulziča. ⁴⁶Nekztan žoñinacaqui Jesusa tanchiča, preso chjitzjapa. ⁴⁷Tsjii nekz tsjitchi žoñiqui pajk cuchillu jwessiča. Jalla nekztan tsjan chawjc jilirž piyuna chjojritchiča. Tsjii cjuñi pootžcu apakchiča.

⁴⁸Nekztan Jesusac chiichiča:

—Ančhucqui cuchillunacžtan carotinacžtan wejr tani tjončinčhucča, tsjii tjañi cjes, nižtažtakaz. ⁴⁹Zapuru ančhucaltan željčinča, timpluquiz tjaajincan. Wira ana wejr tanchinčhucča. Pero anziqiu jaknužt Yooz taku chičhaja, nužupanž cumplita cjila.

⁵⁰Nekztanaqui tjapa niž tjaajinta žoñinacaqui tsucaña wichanzicha. Jesusa zinalla eclichiča.

⁵¹Tsjii tjowaqui Jesusa apziča, tsjii zquiti irzi. Nii tjowac tantazakaztača.

⁵²Nekztan nii zquiti cutžcu, k'alapacha tsucaña atipchiča.

JESUSA CHAWJC JILIRINACŽQUIN CHJICHTA

⁵³Nekztanaqui Jesusaqui chjichtatača timplu tsjan chawjc jilirž kjuya. Nekziqui timplu chawjc jilirinacžtan wajt jilirinacžtan judio lli tjaajiñinacžtan ajczitača. ⁵⁴Pedruqui ažquiztan apziča, chawjc jilirž kjuy patio luzcama. Nii patiuquiz zultatunacžtan julzi želatča, uj latuquiz kutuncan.

⁵⁵Kjuyquiziqui timplu jilirinacaqui tjapa jiliri mazinacžtan Jesusiž quintra chiiñi žoñi kjuratča, Jesusa conta cjisjapa. Ana zinta uj wajtchiča.

⁵⁶Muzpa tama žoñinacaqui Jesusiž quintra toscara chiichiča. Pero ninacž toscar takuqui anaž wira casatča.

⁵⁷Yekjap žoñinacaqui tsjitscu toscara chiichiča, tuž cjican:

⁵⁸—Wejr nonziñča, tii žoñi tuž chiiñi, “Tii žoñiž kjuyta timplu pajlznača. Nekztan čjep majquiztan yekja timplu kjuyača, ana žoñiž kjuya”. Nuž chiiñi nonzinča wejrqui.

⁵⁹Anaž nižtami žoñinacž takuc casatča. ⁶⁰Ultimquiziqui nii timplu chawjc jiliriqui tsjitsiča žoñinacž taypiquiz. Jesusižquiz pewcziča:

—¿Anam kjaazñi at, kjažtatajo? ¿Kjaž cjican am quintra chii tii žoñinacajo?

⁶¹Jesusaqui ana čhulu tawkžcu, želatča, ana kjaaziča. Nekztan nii tsjan chawjc jiliriqui wilta pewcziča:

—¿Amqui Cristumkaya? ¿Arapach Yooz Machimkaya?

⁶²Jesusaqui kjaaziča:

—Jesalla. Wejrčta Cristutqui. Wejrqui tsewtan cuchanžquita Yooz Žoñčta. Tsji nooj ančhucqui wejr cheraquiča, juc'lanti azziz Yooz latuquiz julzi. Nekztan arajpachquiztan tsjirquiz tjonača.

⁶³Nižta chiitiquiztan nii timplu chawjc jiliriqui niiž zquiti wjajrzinchiča, žawjchi tjeezjapa. Nekztan cjichiča:

—¿Kjažtiquiztan iya quintra chiiñi žoñi pecasajo? ⁶⁴Ančhucqui nonzinčhucča. Tiiž takuqui Yooz quintrača. Ana walipanča. ¿Čhjulučhum paaqui, kjažum cjeequi? ¿Tantiyalla?

Nekztan tjappacha quintra chiichiča:

—Tii žoñi contaj cjila, —cjican.

⁶⁵Nekztan yekjapaqui Jesusižquiz llawsižtan tjujtchiča, wjajtchizakazza. Nekztan niiž yujc pañžtan tjotžinžcu, cjichiča:

—iPajalla, jaziqui! ¿Ject am wjajtchejo?

Nižaza zultatunacaqui Jesusiž yujcquiz čhajcziča.

PEDRUQUI JESUSA ANA PAJŇI TUCCHIČHA

⁶⁶Nii ora Pedruqui kjuy patiuquiz želatča. Nekzi tsjaa žonqui tjonchinča. Naa žonqui timplu tsjan chawjc jilirž piyunitača. ⁶⁷Pedruž uj latuquiz kutnan, cherchinča. Nekztan paljaychinča:

—Amqui nii Nazaret wajtchiz žoñžtan chica ojklajñamla, nii Jesusižtan.

⁶⁸Pedruqui Jesusa ana pajñi chiichiča:

—Nii žoñi anal pajuča. Am takumi anal intintučha.

Nuž chiižcu, zancu ulanchiča.

⁶⁹Nicju naa žonqui wilta cherchinzakazza. Nii žejlñi žoñinacžquiz maazinča, tuž cjican:

—Tii žoñiča ninacžtan chica ojklajñi.

⁷⁰Pedruqui wilta Jesusa ana pajñi chiichiča. Nekztan tsji upaquiztan

nii žejlñi žoñinacaqui Pedružquiz cichizakazza:

—Chekapan amqui ninacžtan chica ojklayñi žoñimla. Amqui Galilea wajtchiz žoñimla. Nii žoñinacž irataž chiiñamla.

⁷¹Nekztan Pedruqui juramintužtan chiichiča, tuž cjican:

—Wejr toscara chiichinžlaj niiqui, Yooziž castictal cjila. Tii amiž chiita žoñi ana wira pajuča.

⁷²Pizcquizic nii orapacha tsjii wallpaqui kjawchiča. Nekztanaqui Pedruqui Jesusiž chiita taku cjuñziča. Tuž mazinchiča, “Ima wallpaž pizc wilaž kjawan, amqui čjep wila wejr ana pajñim tucakuichiča”. Nekztanaqui Pedruqui nii cjuñzcu, ancha llaquita cjissiča. Nekztan ancha kaachiča.

JESUSA PILATUŽQUIN CHJICHTA

15 ¹Kjantati timplu chawjc jilirinacžtan wajt jilirinacžtan judío lii tjaajñinacžtan tjappacha jilirinacžtan ajczitača. Nekztan Jesusa čejlžcu Pilato jiliržquin chjitchiča. Nekztan nižquiz intirjichiča.

²Nekztan Pilatuqui pewcziča:

—¿Am judionacž chawjc jilirimya? Jesusaqui kjaaziča:

—Nužupanzača, amiž chiitacama.

³Nekztan nii timplu jilirinacaqui Jesusiž quintra čhjultaki tjojtunchiča.

⁴Pilatuqui pewczizakazza:

—¿Kjažtiquiztan am ana kjaazñi atjo? Tjapamanaž am quintra chiila, pero.

⁵Jesusaqui ana čhjulu tawkžcu želatča. Nužquiz Pilatuqui ana iya čhjulumi chiižni atchiča.

ŽOÑINACAQUI JESUSIŽ QUINTRA CHIICHIČA

⁶Pilatuqui pascu pijjztiquiz tsjii piriz žoñi cutžñipantača žoñinacaž chiitacama. ⁷Carsilquiz tsjii kjažultan

gobierno quintri žoñinacaž chawjeta želatča. Barrabás cjita ujchiz žoñi carsilquiz chawjctazakaztača. Revolucionquiz žoñi conchiča Barrabás cjita žoñiqui. ⁸Jaziqui žoñinacaqui Pilatu pewczni tjonchiča, tuž cjican:

—Wejtnacalta tsjii žoñi cutžinalla. Tuquitanpacha nuž cutžñampanla amqui.

⁹Pilatuqui kjaaziča:

—¿Ančhucqui pecya, tii judionacž chawjc jiliri cutžta cjisjapajo?

¹⁰Jesusa čjaawjcu, nii timplu jilirinacaqui Pilatužquiz intirjichiča; nii zizziča Pilatuqui. ¹¹Nekztan nii timplu jilirinacaqui Jesusiž quintra žoñinaca aptjapchiča. Nekztan žoñinacaqui maychiča, Barrabaspakaz cutžta cjisjapa. ¹²Pilatuqui wila pewcziča:

—¿Tiizti? ¿Jaknužt wejr paaj cjii ančhucjo? Ančhucqui tii judionacž jiliriča cjinčucla.

¹³Nii žoñinacaqui kjawchiča:

—iTi žoñi conzna! iCruzquiz ch'awczna!

¹⁴Nekztan Pilatuqui chiichiča:

—¿Kjažtiquiztan, čjul uj paacht teejo?

Nii žoñinacazti juc'anti kjawchiča: —iCruzquiz ch'awczna!

¹⁵Pilatuqui nužquiz žoñinacž kuz wali cjisjapa Barrabás cutziča. Jesusa cusa wjajtkatžcuqui, Pilatuqui zultatunacžquiz intirjichiča, cruzquiz ch'awcta cjisjapa.

¹⁶Nekztan nii zultatunacaqui jilirž kjuy patiuquin Jesusa chjitchiča. Nekzi parti zultatunaca ajcnajo kjawziča. ¹⁷Nekztan Jesusižquiz tsjii morat zquiti tjutziča. Nižaza tsjii ch'apirar pillu irata nižtižtan Jesusiž achquiz scarzinchiča. ¹⁸Nekztan ararcan kjawchiča:

—iViva tii judío nacionž chawjc jiliri!
—cjican.

¹⁹Nekztan tsjii paržtan Jesusiž achquiz t'etkatchičha; llawsižtan tjujtchičha; rispittažoka quillsičha.

²⁰Nekztan burla paažcuqui Jesusižquiztan nii morat zquti chjojčžinchičha. Niiž persun zquti tjtutzičha. Nekztanaqui Jesusa chjitchičha cruzquiz ch'awczjapa.

JESUSAQUI CRUZQUIZ CH'AWCTATAČHA

²¹Tsjii Cirene wajtchiz žoñi želatčha, Simón cjita. Pucultan žoñž ejptačha niiqui, Rufo, nižaza Alejandruž ejp. Jochquiztan kajčžcatčha. Nekz watan mantichičha, Jesusiž cruza kužajo. Nužquiz uytissičha.

²²Nekztan Jesusaqui Golgota yokquin chjichtatačha. Golgota cjitaqui tuž cjičha: “Ach Tsjij Yokačha”.

²³Nekztan Jesusižquiz vinu miržtan t'ajžta tirinchičha. Jesusazti ana licz pecchičha. ²⁴Jalla nekztanaqui cruzquiz ch'awczcu, sultatunacaqui zurtiychičha nižž zquitinaca tanzjapa, jakžilta sultatut nii zquti tanznačhaja, nii zizjapa.

²⁵Wenzlaka Jesusaqui cruzquiz ch'awctatačha. ²⁶Kjažtiquiztan tii žoñi cruzquiz ch'awctatažlaja, niiqui cjiirchičha tsjii tawliquiz, tuž cjican: “Tiiqui judionacž chawjc jiliričha”.

²⁷Jesusižtan chicapacha tsjii pucultan tjañinaca yekja cruzanacquiz ch'awctazakaztačha, tsjiic žew kjuttan tsjiic zkar kjuttan. ²⁸Nužupan tuquitan cjiirta Yooz taku cjičha. Nii Yooz taku tuž cjičha: “Ujchiz žoñinacžtan chica uchtačha”. Nužquiz nii Yooz takuqui cumplissičha.

²⁹Žoñinacaqui nekz watcan acha wewczžinchičha; ancha žawjchi, tuž cjican:

—iAaj! Amqui timplu pajltasačha. Nekztan čhjep majquiziqui wilta kjuytasačha, jalla nuž cjichamčha, žana jaa? ³⁰Jaziqui persunpacha am cruzquiztan zarakalla. Persunpacha liwriyalla amqui.

³¹Nižaza nii timplu chawjc jilirinacžtan judío tjaajiñinacžtan parlassičha, Jesusa iñarcan, tuž cjican:

—Yekjapanacžquiz liwriichičha tiiqui. Persunpachazti anaž liwrii atčha. ³²Cristužlaj niiqui, Israel nacionž chawjc jilirižlaj niiqui, persunpachaj cruzquiztan apakscu, chjiwžžquila. Nekz criyaquič ućhumqui.

Žoñinacaqui Jesusa iñarchičha. Niižtan chica ch'awcta žoñimi iñarchizakazza.

JESUSAQUI TICZIČHA

³³Taypurquiztan tjapa nii yokac zumchi cjiissičha, majñakak oracama.

³⁴Nii ora Jesusaqui tjapa aztan kjawchičha:

—Eloi, Eloi žlama sabactani? —Tii takuqui cjičha: “Wejt Yooz, wejt Yooz čkjažtiquiztan wejr ecchamtajo?”

³⁵Yekjap nekz žejlñinacaqui nii taku nonžcu cjiichičha:

—Nonžna. Elías kjawža tiiqui, nii tuquitan Yooz taku parliñi profetaqui.

³⁶Tsjiiqui ninacžquiztan zajtchičha. Nekztan tsjii esponja cjita kjaz licñiquiz jar vinu licskatchičha. Nekztan quejpžcu tsjii parquiz tsjiipchi Jesusižquiz macjatskatchičha nii jar vinu ch'umznajo. Nekztan nii žoñiqui parti žoñinacžquiz chiichičha:

—Tjewžla ućhumqui. Jaknužukat Eliasac cruzquiztan apaki tjonačhani, nižž chekžla.

³⁷Jesusaqui juc'anti kjawchičha. Nužquiz ticzičha. ³⁸Nii oraqui pajk timplu pañu juystokaz chicatquiz wjajrsičha, tsewctan kozzuc. ³⁹Nii

romanž sultatunacž jiliriqui Jesusiž yujc kjuttan želatča. Tjappacha niiž wattanaca cheržcu cjichiča:

—Chekapan Yooz Majchtakalča tii žoñiqui.

⁴⁰Nižaza tsjii kjažultan maatakanacaqui ažquiztan chekziča. Nii maatakanacaqui tinacatača: María cjititača, Magdalena wajtchiz žonqui. Nekztan María cjitzakaztača, Josež maa, nižaza Jacobž maa (lajktača Jacoboqui). Nekztan Salomé cjititača. ⁴¹Nii maatakanacaqui Jesusa apzitača, nižaza yanapchitača, Jesusa Galilea yokaran ojklayan nii ora. Nekztan ninacaqui Jesusižtan chica Jerusalenquin tjonchiča. Nii cruzaz nekziqui muzpa maatakanaca želatča.

JESUSAQUI TJATŽTATAČHA

⁴²Nii noojiqui pjizta tjacz tjuñitača. Jeejz tjuñi ispirazakaztača.

⁴³Nižtiquiztan tjuñiž kattan tsjii José cjita Arimatea wajtchiz žoñiqui walja tjup kuzziz Pilatužquin ojkičiča. Nekztan Jesusiž curpu maychiča. Walja rispitta jiliritača nii Josiqui. Yooz tjapa mantiz timpu tjewznatča.

⁴⁴Niž tjonitquiztan, Pilatuqui ispanchičiča, tuž cjican:

—¿Kjažt waj ticzi cjesajo?

Nekztan zultatž jiliri kjawziča, nii pewczjapa. ⁴⁵Nii zultatž jiliriqui kjaaziča:

—Jesalla, ticziča, —cjican.

Nekztan Pilatuqui Jesusiž curpu chjitzjapa permiso tjaachiča José cjita žoñžquiz:

—Nižtaqui niž curpu chjichalla, —cjican.

⁴⁶Nekztan Josiqui zuma chiw pañu kjaychiča. Jesusiž curpu chjijunžcu nii pañquiz tejlziča. Nekztan tsjii sipulturniz majkziča. Nii sipulturaqui pajk mazquiz pjettatača.

Nii sipulturniz zana tsjii pajk maztan pjucziča. ⁴⁷Pucultan maatakanacaqui Jesusiž curpu tjañi cherchiča. Tsjaac María Magdalena cjititača. Tsjaac María cjitzakaztača, yekja Josiž maa.

JESUSAQUI JACATATCHIČHA

16 ¹Judionacž jeejz tjuñi jakatažu María Magdalenatan Jacobž maa Mariatan Salomatan, nii čhjepultan maatakanacaqui cusa ulurchiz asiiti kjaychiča, Jesusiž ticzi curpu tjajlinzjapa. ²Ancha wentan ninacaqui sipultura cheržni ojkičiča tjuñiž tewctanalla.

³Sipultura ojkan ninacpora parlasičiča tuž cjican:

—¿Jequit učumtaqui cjetžinaquejo? ¿Nii pjucžta pajk mazjo?

⁴Nekztan irantižcu, nii pajk pjucžta mazquiz cjetžta cherziča. ⁵Sipultura luzcu, žew latu kjuyltan tsjii tol chiw zquitchiz tjowa julzi cherchiča. Nužquiz nii maatakanacaqui ancha tsucchiča. ⁶Nii tjowaqui paljaychiča, tuž cjican:

—Anaž tsuca maataka. Ančhucqui Jesusaž kjurča, nii cruzquiz ch'awcta žoñi. Niiqui jacatatchiča jaziqui. Anača tekzi. Chernoalla. Tii sipulturniz ana žejlča.

⁷Jazic ančhucqui oka. Niiž tjaajinta žoñinacžquin mazca. Pedružquizimi zaka mazna. Tuž cjican ančhuc maznaquiča: “Jesusaqui ančucaž tuqui okjayaquiča Galilea cjita yokquin. Nekzi Jesusižtan zalaquiča ančhucqui. Jaknužt tuquitan chiižinchipančhaja, jalla nužuča”.

⁸Nekztanaqui nii maatakanacaqui sipulturnizquiztan ulanžcu, zati pariju quejpcičiča, tsucaña chjekincan. Tsucaña ana čhjulumu chiyi atchiča jecžquizimi.

**JESUSAQUI MARIA
MAGDALENAQUIZ PARIZICHIČHA**

⁹Jesusaqui kjantatilla jacatatžcuqui primiraqui María Magdalenaquiz parizichičha. Tuquitan Jesusaqui naaquiztan pakallaku zajranaca chjatkatchitačha. ¹⁰Naa žonqui Jesusiž mazinacžquin mazñi ojkcchinčha. Ninacaqui llaquita želatčha, kaacan.

¹¹Nekztan mazzinčha:

—Jesusaqui jacatatchičha. Wejrqui nii cherchinčha, —cjican.

Nii nonžcu nii tjaajinta žoñinacaqui ana criichičha. Inapanka chiitažoka naychičha.

¹²Wiruñaquei pucultan tjaajinta žoñinacaž wajtquiztan okan, Jesusaqui parizichizakazza, tsjemata cjissi.

¹³Nekztan quejpžcu, nii pucultanaqui parti tjaajintanacžquiz mazzičha. Nii mazta ana zakaz criichičha.

JESUSAQUI WILTA PARIZICHIČHA

¹⁴Wiruñaquei Jesusaqui nii tuncamani tjaajinta žoñinacžquiz parizichičha, čhjeri lulan. Ninacaqui jacatatta maztaqui ana criichičha. Nekztan ninacž ana criiñi kuzziz cjen ninacžquiz iwjt'ichičha Jesusaqui.

¹⁵Nižaza Jesusaqui mantichičha, tuž cjican:

—Jazic ančhucqui okaquičha tjapa kjutñi tii muntu intiru. Tjapa žoñinacžquizimi liwriiñi taku paljayaquičha. ¹⁶Jakziltat tii taku criiçhaja, jalla niiqui liwriitaž cjequičha; nižaza bautista cjequičha. Jakziltat tii taku ana criiçhaj niiqui, ancha castictaž cjequičha. ¹⁷Yooz taku criichinacaqui tii milajrunaca paaquičha. Wejt tjuuquiz zajranaca chjatkataquičha. Yekja takunaca chiyaquičha. ¹⁸Zkora tanžcu zkoržquiz ana chjojrichtaž cjequičha. Tsjii veneno licžcu, ana ticznaquičha. Kjaržtan lanžcu, laa žoñinaca čhjetnaquičha. Nižta paaquičha Yooz taku criichi žoñinacaqui.

**JESUSAQUI ARAJPACHA
OJKCHIČHA**

¹⁹Nii taku chiižcu chawjc jilir Jesusaqui arajpacha ojkcchičha. Nekzi Yooz žew latuquiz julzičha.

²⁰Nekztanaqui nii tjaajinta žoñinacaqui ulanžcu, tjapa kjutñi Yooz liwriiñi taku paljaychičha. Chawjc jiliripančha Jesucristuqui. Jalla niičha ninacžquiz yanapñiqui. Nii Yooz aztan paata milajrunacaqui tuž cjičha: “Tii Yooz takuqui werarapančha”. Nužupanž cjila. Amén.